

140 /
1957/3

საქართველოს
საბავშვო ჟურნალი



საქართველოს
საბავშვო ჟურნალი

საქართველოს
საბავშვო ჟურნალი

12
1957



პ ი თ ნ ე რ ი



საქართველოს ალკა
ცენტრალური კომიტეტის
შოკვალთვიური
საბავშვო შუკანალი

შ ი ნ ა ა რ ს ი

| | |
|--|----|
| ნ. კილასონია—სახალწლო (ლექსი) | 2 |
| ტ. კვანჭილაშვილი—მგზავრები (მოთხრობა) | 3 |
| ბ. ქართველიშვილი—სიზმარი (მოთხრობა) | 4 |
| დ. გვრიტიშვილი—751 წლის წინათ (წერილი) | 7 |
| ლ. ასათიანი—ბასიანის ბრძოლა (პოემა) | 8 |
| ნ. ვარვაროვი—დედამიწის ხელოვნური თანამგზავრი —(წერილი) | 11 |
| ახალი საჩუქრები—(წერილი) | 12 |
| ე. ყიფიანი—ბუნება-ქერქვეშ (ნარკვევი) | 14 |
| ბუნების კარი | 17 |
| გ. გოლუბევი—ჩრდილოეთის ტბის ტყვე (მოთხრობა, თარგმნა შ. ლოლობერიძემ) | 18 |
| ნ. წულეისკირი—შინ, ოჯახში... (ნარკვევი) | 22 |
| ქ. სიხარულიძე—ჰელსინკში—(წერილი) | 24 |
| გ. ჭიჭინაძე—მუხრან-ბატონი და გოგრის პატრონი (ზღაპარი) | 26 |
| ინგლისური იუმორი | 27 |
| საინტერესო თემაზე | 27 |
| მისალმებათა ლექსიკონი | 29 |
| მოკლედ ყველაფერზე | 30 |
| ლესინგის იგავეები | 32 |
| კრილოვი—სარკე და მაიმუნი (იგავი) | 32 |

გარეკანის პირველ გვერდზე „ბასიანის ბრძოლა“, —
ნახატი კ. მახარაძისა, გარეკანის მეორე გვერდზე „ქრემ-
ლი“—ნახატი ვ. ჯაფარიძისა, გარეკანის მესამე გვერდზე
სარკე და მაიმუნი — ნახატი ი. გაბაშვილისა, გარე-
კანის მეოთხე გვერდზე—იუმორი.

ყურნალი დასურათებულია მხატვრების: გ. თოთიბა-
ძის, გ. გელოვანის, რ. ცუცქერიძისა, და დ. ნოდის
მიერ.

რედაქტორი რევაზ მარგიანი

სარედაქციო კოლეგია: შ. ბერიანიძე, რ. ელანიძე,
მ. ლეზანიძე (პ/მგ. მდივანი), მარიჯანი, რ. ქორქია,
გ. ფოცხიშვილი (სამხატვრო რედაქტორი).

12

დეკემბერი
1957

გამოცემის წელი
XXXI

საბჭოთა კავშირი



7290




სასკოლო

რომ მშვიდობა გვახარონ,
ფრთა გაშალეს მტრედებმა.
წელიწადო,
ახალო,
რა ლამაზად თენდება.

ნაძვის ხეებს ადნება
თოვლის თეთრი ფანტელი..
მოგაქვს ლხენა რამდენი,
საჩუქარი რამდენი!

რადგან მთელი სამყარო
შენი შუქით ბრწყინდება,
წელიწადო,
ახალო,
სალამი და დიდება!

ნაზი კილასონია





გარიელ კვანჭილაშვილი

ნახატები გ. გელოვანისა

მ გ ზ ე ზ რ ე ბ ი

ტროლეიბუსი ვერის ბაზრიდან გმირთა მოედნისაკენ მისრიალვდა. ტევა არ იყო. მძღოლი ჩქარვდა — ალბათ, განრიგისაგან ამოვარდნილიყო და დაკარგული წუთების ანაზღაურებას ამ დაღმართში აპირებდა.

წინა სკამზე ერთი მოხუცებული იჯდა, მის გვერდით კი ორმოციოდე წლის ვაჟკაცი, რომლის ახოვანი ტანი ჯიუტად მიყრდნობოდა სკამის სასურვეს. მკერდი ორდენებით ჰქონდა გავსებული. მისი შესახედაობა კაცს შეშურდებოდა კიდევ, მაგრამ გულზე მიყრდნობილი ხეიბრის ჯოხი ამ გრძნობას ანელებდა.

მეორე რიგში ორი უმაწვილი იჯდა. მათი ოხუნჯობა მგზავრებს თავს აბეზრებდა.

ტროლეიბუსი მორიგ გაჩერებაზე შედგა. მანქანიდან არავინ ჩასულა, ოღონდ წინა კარიდან ერთი ჩვილბავშვიანი ქალი ამოვიდა.

მანქანა მალე დაიძრა. მგზავრებმა ტორტმანი განაგარძეს.

ბავშვიანმა ქალმა წინა სკამები მოათვალა, მაგრამ, თავისუფალი ადგილი რომ ვერ ნახა, იქვე გაჩერდა და ხელი მაგრად ჩასჭიდა მონიკელებულ სახელურს. იგი ცდილობდა თავი შეეკავებინა, მაგრამ ვერ ახერხებდა და ბარბაცებდა.

უკანა სკამებზე მჯდომმა მგზავრებმა შენიშნეს ქალის გასაჭირი და მეორე სკამზე მჯდომ უმაწვილებს მია-

ჩერდნენ. მათ კი განგებ ფანჯარაში დაიწყეს ცქერა, ვითომ ვერ ვამჩნევთ აქ რა ხდებაო.

მათს ასეთ საქციელს მოჰყვა მოხუც მგზავრთა აღშფოთებული შეძახილები:

— სად გაიზარდნენ?!..

— არა რცხვენიათ?

წინა სკამზე მჯდომმა საბჯენ ჯოხიანმა კაცმა ერთი კი გადახედა უკან მჯდომ უმაწვილებს და წამოიწია. მან ცალი ხელი სახელურს ჩასჭიდა, მეორე — საბჯენ ჯოხს, და წამოდგა, რათა ბავშვიანი ქალისათვის ადგილი დაეთმო, მაგრამ თავი ვერ შეიმაგრა და ისევ სკამზე დევდა. ამ მარცხმა ცალფეხა ვაჟკაცი შეაწუხა. მას სახე დაენისლა, მაგრამ მალე დასძლია თავისი განცდა, სახეზე მტკიცე იერი გამოიხატა, მთელი ენერჯია დაძაბა, რაც შეეძლო მკვირცხლად წამოდგა და ისე მიმართა ბავშვიან ქალს:

— დაბრძანდით, ქალბატონო!

ქალმა შენიშნა ხეიბრის წვალეხა, ამჯობინა თვითონ მდგარიყო ფეხზე და, შეწუხებულმა მიუგო:

— რასა ბრძანებთ, თქვენ თვითონ დაბრძანდით, მე არა მიჭირს!..

ამ პასუხზე ცალფეხა გაფითრდა. იგი ნაცემი ბავშვივით მოიკუნტა და წამით გვერდზე გაიხედა, თითქოს სამარცხვინო საქმე ჩაედინოს. როცა მან სახე შემო-

აბრუნა, შენიშნეს, რომ მისი თვალები ოდნავ შენამუ-
ლიყო, ხოლო მზს სახეზე ძნელი ამოსაკითხი არ იყო
შემდეგი: „ნუ გამახსენებთ ჩემს ინვალიდობას, ნუ გა-
მაწბილებთ... დაბრძანდით, ქალბატონო!...“

ქალი თითქოს მიხვდა ყველაფერს და, სხვა რომ ვე-
რაფერი მოახერხა, მორცხვად, მაგრამ ლაზათიანად
გაიღიმა, თითქოს ეს ღიმილი მოაშუშებდა ინვალიდის
გულის იარაგს. ეგებ ამისი მიზეზიც იყო, რომ მან მართ-
ლაც ხმა ამოიღო და ისე მიმართა ბავშვიან ქალს, რომ
ქვაც მოლბებოდა.

— თუ შეიძლება, დაბრძანდით!..


ამ სიტყვებით მას თითქოს თავისი ღირსების, კაცო-
ბის გადარჩენა სურდა.

ამ სცენამ მგზავრების ყურადღება მიიჯაჭვა. ისინი
უყურებდნენ ცალფეხა ვაჟკაცს, რომელსაც ერთი ხელი
სახელურისათვის ჩაეველო, იდლიაში საბჭენი ჯოხი ამო-
ედო და იდგა მთელი ღირსების შეგნებით, ამაყად.

არ გასულა მცირე ხანი და ყველა მგზავრი, თითქოს
რალაც ნიშანი მისცესო, ერთდროულად წამოდგა:

— დაბრძანდით, ბატონო! — და ყველამ თავის სკამზე
ანიშნა.

მათ შორის იყო ის ორი ყმაწვილიც.



ბ. ქართველიშვილი ნახატები რ. ცუცქერიძის

ს ი გ მ ა რ ი

გია ფიზიკის დიდი მოტრფიალეა. აი, დღესაც დიდი
ყურადღებით მოუსმინა მასწავლებელს, რომელიც ხახუ-
ნის შესახებ ესაუბრათ. როდესაც გია სკოლიდან ბრუნ-
დებოდა, უკვე საღამოვდებოდა. თოვდა. ფიჭები ელექ-
ტრონის შუქზე აღმასებოვით ელავდა. გია კი მაინც ხა-
ხუნზე ფიქრობდა. ავტომანქანამ ჩაუქროლა. გიამ თვალი
გააყოლა, შეჩერდა და გაიფიქრა: «რამდენი ენერგია
იხარჯება ძრავაში ხახუნის დასაძლევად!» ამ დროს ფეხი
აუსრიალდა და უნებურად იქით გადავიდა, სადაც თოვ-
ლზე ნაცარი ეყარა.

სადილი ისე გაათავა,—ვერც კი გაიგო. მამა რალაც
საინტერესო ამბავს ყვებოდა, მაგრამ გიამ ვერც ის გაი-
გო. თვალწინ ხახუნი ედგა—რალაც ბოროტი არსების
მაგვარი. მას უამრავი კლანჭი ჰქონდა, რომლითაც ხან
ძრავის ღერძებს ჩააფრინდებოდა, ხან დგუშებს, და ადა-
მიანი იძულებული ხდებოდა მის მოსპობაზე ეზრუნა.

«რა ბედნიერება იქნებოდა, ხახუნი რომ არ არსე-
ბობდეს! როდესაც გავიზრდები, მე მოვსპობ მას!»—ოტ-
ნუბით წარმოთქვა გიამ და საბანში გაეხვია.

სწორედ აქ მოხდა რალაც უჩვეულო. გიამ ფვალეში
გაახილა და თოვლიანი ღამის ნაცვლად მოკაშკაშე ზაფ-
ხულის დილა შერჩა ხელში. ერთმა ამბავმა ხომ მთლად
გააოცა: არც საბანი ეხურა და ბალიშიც ვილაცას ზამო-
ეცალა მისთვის. გიამ წამოჯდომა დააპირა, მაგრამ ლო-
გინიდან გადმოსრიალდა და იატაკზე დაეცა.

გია თვალს ვერ უჯერებდა. როდესაც წვებოდა, ოთახ-
დალაგებული იყო, ახლა კი წიგნების კარადა საწერ შა-
გიდას მისდგომოდა ერთ კუთხეში, კარადის კარი ღია
იყო, წიგნები იატაკზე ეყარა, ზოგი მათგანი სკამების


ქვეშაც შეცვნილიყო... ფეხსაცმელი კარადის ქვეშ დაი-
წახა... საერთოდ, ოთახში არეულობა იყო.

გიას ჩამოვარდნის ხმაზე, მის პატარა დაიკოს—თი-
ნასაც გამოედგინა, ბალიშიდან თავი წამოსწია და ისიც
იატაკზე გადმოსრიალდა. ამან გოგონა გააკვირვა და
შეაშინა კიდევ. იატაკზე წამოჯდომა ვერც კი მოასწრო,
რომ ბალიში გვერდით დაეცა, ლოგინი ზურგში დაეტა-
კა და თინა თავისდაუნებურად კარადისა და მაგიდისა-
კენ გასრიალდა.

— გია, რა ხდება?

— არ ვიცი, თინიკო!—მიუგო გიამ. რომელიც ამაოდ
ცდილობდა ფეხზე წამოდგომას,

მიუხედავად იმისა, რომ არცერთი არ იყო სიცილის
გუნებაზე, მაინც გულიანად გადინხარხარეს, როცა თავი-
ანთ ხატურას მოჰკრეს თვალი. კატა ცდილობდა ფეხზე
დამდგარიყო, მაგრამ ფეხები ეშლებოდა და ხანმუცლით
ეცემოდა, ხან გვერდზე ვარდებოდა—კნაოდა და ბრა-
ზობდა.



— გია, მითხარი, რა ამბავია, ვინ არია ყველაფერი?
— მოიცა, თინა, მეც არ ვიცი ვისი ბრალია.
— ჩემი!—შეესიტყვა ბავშვებს ვიღაც უცნობი.
ეს კი ყველაფერს აღემატებოდა. როდესაც წებოლ-
დნენ, ოთახში არავინ იყო.

— ჩემიო?—შეკითხა გია.—ვინა ხარ?

— ხა-ხუ-ნი! ხა, ხა, ხა!—გადაიხარხარა უცნობმა. ბავშ-
ვებმა იქით გაიხედეს, საიდანაც ლაპარაკი მოესმათ, და
ორივეს თვალები გაუფართოვდა. იქ, ოთახის მეორე ბო-
ლოში, ვიღაც უცნობი იდგა—მრავალხელიანი არსება.
ხელები ჯიბეებში ელაგა და ფანჯრის ჩარჩოს მიჰყრდნო-
ბოდა.

— მე ვარ. ხახუნი!

გიას გადაავიწყდა ყველაფერი. ყოჩაღად წამოხტა
ფეხზე და უცნობს მიმართა:

— მაშ, შენა ხარ ხახუნი?!

— მე ვარ!

— შენ მაგნე ხარ! ადამიანები რამდენი საუკუნეა
შენს მოსპობაზე ფიქრობენ!—ერთი ამოსუნთქვით მიაყარა
გიამ.

— ვიცი აი, ნატვრა შეგისრულე! დღეიდან მე გავექ-
რები, დედამიწაზე ხახუნი მოისპობა.

გიას თვალები გაუბრწყინდა.

— მართალს ამბობ?

— მართალს! აი, კიდევ რამდენიმე წუთი—და წავალ!
მაგრამ, გახსოვდეს, მე არც ისეთი ბოროტი ვარ, რო-
გორც გგონია. ამიტომ ერთ უფლებას გიტოვებ: თუ ჩე-
მი დაბრუნება მოინდომო...

— ვის რად უნდა შენი დაბრუნება!—გააწყვეტინა
გიამ.—ოღონდ შენ წადი და, ყველა მადლობას გეტყ-
ვის!

— კარგი! მაშ, ასე! მე მივდივარ, მაგრამ თუ მოი-
სურვებ ჩემს დაბრუნებას, სამჯერ შემოჰკარი ტაში და
დამიძახე. მე მოვალ და ხახუნი ისევ გაჩნდება. მაგრამ,
თუ კიდევ ბოროტად მოგეჩვენები და ისევ მოისურვებ
ჩემს წასვლას,—მაშინ კი სამუდამოდ გავექრები! მაშ, ნა-
ხვამდის, გია!

ამ სიტყვებთან ერთად ხახუნი გაუჩინარდა და იმაც
წამს გია და თინიკო ისევ იატაკზე აღმოჩნდნენ, ისევ
გასრიალდნენ და კარდას მიაწყდნენ.

ბავშვებმა კარადის კარს წაავლეს ხელი და წამოდ-
გომა სცადეს, მაგრამ ძლივს შეაკავეს კარი, რომელიც
მოსცილდა კარდას და იატაკზე ეცემოდა.

კიდევ კარგი, რომ გია მშვენიერი მოციგურეა; რის
ვაი-ვაგლახით წამოდგა ფეხზე და საწოლისაკენ წაბარ-
ბაცდა.

— გია, მიშველე!—შემოესმა გიას თინიკოს ხმა. მიი-
ხედა და ისევ დაეცა.

— რა იყო, თინა?!

— აი, შეხედე, ფეხსაცმლის ზონარსა ვხსნიდი, ის
კი თევზავით გამოსრიალდა. მინდა გავუყარო, არაფერი
გამოდის.

— მოიცა, თინიკო, მოგეხმარები.—გიამ ფეხსაცმელს
წაავლო ხელი, მაგრამ ზონარს ვინ ჩივის, ლანჩა ისე





მოვარდა, თითქოს მიკერებული არც კი ყოფილიყო. შემდეგ კი ნაკერებზე დაიშალა, ასეთივე ბედი ეწვია გიას ფეხსაცმელსაც.

— გია, გია! შეხედე, წყალი!

გიამ მიიხედა და მართლაც შეამჩნია, რომ ოთახში სამზარეულოდან წყალი შემოდინდა.

სამზარეულოშიც ტბად იდგა წყალი, ყველაფერი არეული იყო, ქვაბები წყალში ტივტივებდნენ, თევშების ნამსხვრევები კენჭებივით ელავდნენ წყალში, ონკანი ვილაცას გაედო და წყალი მოსჩქეფდა. გია მიუახლოვდა ონკანს, დაკეტა. მაგრამ აუშვა თუ არა ხელი, ონკანი თავისთავად დატრიალდა და წყალი ძველებური სიძლიერით წამოვიდა.

— გია, მოდი!— შემოესმა გიას თინიკოს ხმა.

წვალებით გაემართა ოთახისაკენ, რომელიც ახლა მთლად დაეფარა წყალს, წიგნები დამბალიყო, ხატაურა ცდილობდა სკამზე შეხტომას, მაგრამ არაფერი გამოუდიოდა.

— სადა ხარ, თინა?

— აივანზე. მოდი, რა გაჩვენო!

გია აივანზე გავიდა და იქ ნახა, რაც ნახა!

სწორედ შუა ქუჩაში, ავტომანქანა იყო გაჩერებული. უკანა ბორბლები სწრაფად ბრუნავდნენ, მანქანა კი ადგილიდან ვერ იძროდა. მაღაზიის აბრები დაბლა ეყარა, ვიტრინებში მთელი არეულობა იყო, ყველა საქონელი ერთად იყო მიხროვებული კუთხეში. პირდაპირ ფილანქანზე ვილაც ქალი იჯდა და ამაოდ ცდილობდა წამოდგომას. ეტყობა, ბაზრიდან ბრუნდებოდა, რადგან გვერდზე ცარიელი ჩანთა ედო, კარტოფილები აქეთ-იქით მიმოფანტულიყვნენ. წვერზე შემდგარი სტაფილოები ჩიკორებივით ბზრილებდნენ, კომპოსტო ხომ მთლად გადარეულივით მიგორავდა და მიხტოდა დაღმართზე.

— გია, ნახე რა ხდება!— შესძახა თინამ და თითი მარჯვნივ გაიშვირა. იქ ახალი ოთხსართულიანი სახლის სახურავიდან კრამიტები სეტყვასავით მოსრილებდნენ.

მიწაზე ეცემოდნენ და ნამტკრევები წყლის წვეთებივით აქეთ-იქით იფანტებოდნენ.

რალაც არაჩვეულებრივი რამ ხდებოდა. მათ პირდაპირ, ეზოში, ჯიხურა დაიშალა, მტვერი ავარდა. ეზოში გაფენილი სარეცხი თოკებთან ერთად მიწაზე გაიშალა. ონკანი იქაც გახსნილი იყო და წყალი თქრიალით მოდიოდა. მეეზოვე ამაოდ ცდილობდა წონასწორობის დატერას, ჯერ დაჯდა, შემდეგ ცოცხი გაუვარდა ხელიდან რომელიც დაცემისთანავე დაიშალა, და გაიფანტა.

— გია, რა ხდება?— ნამტირალევი ხმით შეეკითხა თინა.

— როგორცა ჩანს, ეს იმის ბრალია— ხახუნი რომ გაქრა.

— ვაიმე, რალა უნდა ვქნათ ახლა!— ატირდა თინიკო.


— მოიცა თინა, ვიფიქრო!— გიამ შუბლი შეიჭმუნა, მაგრამ მალე სახე გაუნათდა.— ნუ ტირი, თინა, ხახუნმა ხომ მასწავლა, როგორ უნდა გამოვუძახხო.— სამჯერ მაგრად შემოჰკრა ტაში და ხმამაღლა დაიძახა.

— ხახუნო, მოდიი!...

გიას თავისსავე ხმაზე გამოეღვიძა. უკვე გათენებული იყო. გიას დაიკო ლოჯინში წამოსკუპული ტაშს უკრავდა... გიამ ოთახს თვალი მოავლო, ყველაფერი რიგზე იყო, ხატაურა ტკბილად თვლემდა ღუმელთან. ტანსაცმელიც იქვე ელაგა, როგორც დატოვა. არც წყალი იღვრებოდა, არც კარები ცვიოდა. ფანჯარაში კი ზამთრის მზით გაბრწყინებული თოვლი თითქოს ეპატიჟებოდა: «მოდი, გია, იცურავე, აქ ხახუნი ძალიან მცირეაო.»

გია წამოხტა და ფანჯარასთან მიიბრინა, ქუჩაში სრული წესრიგი იყო. მანქანები, მიუხედავად იმისა, რომ ქუჩები მოყინული იყო, მსუბუქად დასრიალებდნენ. ზოგ მათგანს ჯაჭვი ეხვია გარსაკრებზე. ქუჩებზე ბლომად ეყარა ნაცარი.

— ეჰ, ხახუნი თურმე საჭირო ყოფილა! ავერ ადამიანი ხელოვნურადაც კი ქმნის მას.— თქვა გიამ.



ქართველი ხალხის გმირული წარსულიდან



751 წლის წინათ...

ეს მოხდა 1206 წლის ზაფხულში. ამ ომის შესახებ რომ წარმოადგენა ვიქონიოთ, უნდა ვიცოდეთ, რომ საქართველო ერთ-ერთი უძლიერესი ფეოდალური სახელმწიფო იყო მთელს წინა აზიაში. მაშინდელი საქართველოს სახელმწიფოებრივი საზღვრები ნიკოზისით დარუბანდამდე სწვდებოდა. აკადემიკოს ბარტოლდს გამოანგარიშებული აქვს, რომ საქართველოს მართა ფინანსური შემოსავალი, ინგლისის და საფრანგეთის ერთად აღებულ ფინანსურ შემოსავალს აღემატებოდა.

ბუნებრივია, რომ ასეთ ძლიერ სახელმწიფოსათვის საგარეო შემოსევებს ნაკლები მნიშვნელობა ჰქონდა, მაგრამ თურქულ-მაჰმადიანური სახელმწიფოების შემოსევების წინააღმდეგ ქართველები სომხებსა და აზერბაიჯანელებთან ერთად ენერგიულ ზომებს იღებდნენ: იკავებდნენ და ამარჯობდნენ სასაზღვრო ციხე-სიმაგრეებს. ამ მიზნით აიღეს 1206 წელს კარი და საგანგებოდ გაამაგრეს. ამ ამბავს მტრულად შეხვდა რუმის სულთანი რუქნადინი (ნუქარდინი). კავშირი შეკრა მაჰმადიან სახელმწიფოებთან და დიდი კოალიცია შეადგინა. სარწმუნო ცნობებით რუქნადინის არმიაში 400000 კაცი იყო. ის არწმუნებდა თავის მოკავშირეებს, რომ საქართველოში ქვას ქვაზე არ დატოვებდა. მას გამარჯვების სრული რწმენა ჰქონდა. და იოლა გამარჯვების მანიით შეპყრობილი თამარს მუქარის ილის უგზავნიდა: „შენ გიბრძანებია ქართველთათვის აღებად ჩვენი მუსულმანთა ხოცად“. ამიტომაც, განაგრძობდა სულთანი, „აწ მე წარმომივლენია ყოველი მხედრობა ჩემი და აღვნიცო ყოველი მამაკაცი მაგა ქვეყანისა და ცოცხალი იგი ოდენ დარჩეს რომელი წინა მომეგებოს, თაყუანი სცეს ჩათრსა ჩემსა... ჯუარი წინაშე ჩემსა დაღეწოს და მაჰმადი აღიაროს“. ეს თავხედური წერილი რუქნადინმა სპეციალური მოციქულის ხელით გაუგზავნა თამარს. ქართველებმა ელჩი თავაზიანად მიიღეს, სასახლეში შეიყვანეს და თამარს წარუდგინეს. ელჩი პატრონივით უზრდელი გამოდგა, თამარს უხეში სიტყვებით მიმართა: „უკეთუ მეფემან დაუტეოს სჯული, იპყრას სულთანმან ცოლად და უკეთუ არა დაუტეოს სჯული, იყოს ხარკად სულთანისა“.

ეს უკვე მტის მტე იყო. იქ მყოფ ზაქარია მხარგრძელს მოთმინების ფილა აეცხო, ცვლარ მოითმინა და უზრდელ ელჩს ისეთი მაგრად „უხეტქა ხელითა პირსა“, რომ ელჩი „ვითარცა მკუდარი დაეცა და იღვა“. ზაქარიამ ყურზე ხელი მოავლო, ფეხზე დააყენა და უთხრა: „თუ მოციქული არა იყავ, პირველად ენისა აღმოკუთუა იყო შენი სამართალი და მერვედა თავისაო“, ესე იგი, ელჩი რომ არ იყო, ჯერ ენას მოვაჭრიდი და მერ თავსაო, მაგრამ ელჩი ხელმეუხეზლად ითვლებოდა და მას მხოლოდ „სილის ხეტქება“ ან როგორც ახლა იტყვიან „სილის გაწვნი“ აკმარეს, პატივი სცეს, დააპურეს, ხაჩუქრები უბოძეს და საბასუხო წერილით პატრონთან გაგ-

ზავნეს. თამარი თავის საბასუხო წერილში რუქნადინს მოაგონებდა რომ ქალის, და მით უმეტეს მეფე-ქალის აუჯად მოხსენება, სხვა რომ არა იყოს რა, უზრდელობაა და რადგან არ დაგიშლია და ომი მოვიწოდებოდა, აი ეს ბურთი და მოედანი, ჩვენ მზად დაგხვედებით.

ქართველებმა სასწრაფოდ დარბაზის ხედომა მოიწვიეს, ნიკოზისით დარუბანდამდე ჯარის შეკრა ბრძანეს და რუქნადინზე სალაშქროდ ბასიანისაკენ გაემგზავრნენ. ქართველთა ჯარი ბორჯომის ხეობით ვარძიაში მივიდა, აქ ჯარის საერთო სარდლობა თამარმა თავის ქმარს—დავით სოსლანს ჩააბარა და თვითონ ოძრახეში დისადგურა.

ქართველთა ჯარი სამ ნაწილად იყო გაყოფილი: მეწინავედ, მარჯვენა და მარცხენა ფალანგებად. მარჯვენა ფრთას იმერელი შეადგენდნენ, ხოლო მარცხენა ფრთას—ამერელი. ქართველთა ბრძოლის ძირითად ხერხს მტრებზე მოულოდნელად თავდასხმა წარმოადგენდა. დაწვერვამ გამოარკვია, რომ მტერი განცხრომას მისცემოდა და ქართველთა შიში არ ჰქონდა. ეს მომენტი კარგად გამოიყენეს ქართველებმა და მტერს მოულოდნელად დაესხნენ. მტერი ახლა გონს მოვიდა და იარაღი აისხა. რადგან პირველი ბრძოლა ქართველთა მეწინავე ნაწილმა დაიწყო და ძირითადი ნაწილი ჯერ ომში არ იყო ჩაბმული, მტრმა შეავიწროვა ქართველები, მაგრამ აქ ქართულ სამხედრო ხელოვნების ნაცადმა ხერხმა გასჭრა.

ზაქარია გაგელმა, თაყაიადინ თმოგველმა, შალვა და ივანე თორღლებმა ბრძანება გასცეს და ცხენოსანი ნაწილი ქვეითად გადააქციეს; ამას მოითხოვდა ბრძოლის შექმნილი ვითარება, ხოლო ცხენოსანთა რაზმები სხვა მხარეს გადაისროლეს, რათა ცხენოსნებს ქვეითად მებრძოლებსათვის ხელი არ შეეშალათ. ამასობაში დავით სოსლანისა და ზაქარია მხარგრძელის ცხენოსანთა ნაწილებმა მტერს სხვადასხვა მხრიდან დაარტყეს.

ბრძოლის ასეთმა ტაქტიკამ თავისი გაიტანა. მტერს თავბრუ დაესხა და უწესრიგოდ იწყო უკუსვლა. ქართველი მეისტორიე შენიშნავს, რომ „ტყეთა მსგავსი ლაშქარი ინიღვებოდა ლტოლვილიო“. უკუქცეულ მტრის ლაშქარს დაედევნენ ქართველები „და ვიდრე დამემდე დევნა უყუეს და ხოცეს“. მტრის მთელი ქონება ჩვენიანებს დარჩათ. რუქნადინი, რომელიც „მთასავით მალალ“ ცხენზე იჯდა, სირცხვილთული გაქცა.

ასე დამთავრდა ბასიანის ომი. ეს იყო ქართველთა ბრწყინვალე გამარჯვება. ბასიანის ომი ქართული სამხედრო ხელოვნების ისტორიის ბრწყინვალე ფურცელთაგანია. ამ ომმა ერთხელ კიდევ დაანახა მტერს, თუ რა დიდი ქართველთა ძალა, ხოლო ქართველთათვის აშკარა გახდა, რომ თუ ერთპირობა იქნება, არავითარი მტერი საშიში არ არის.

დ. გვირიტიანი,
ისტორიულ მეცნიერებათა დოქტორი.



1

დედაქალაქში მოვიდა დესპანი გამოჩენილი, ნუქარდის გამოგზავნა თამარისათვის წერილი. ენისგან უთქმელს, უკადრისს იწერებოდა მურღალი: „მე, იკონიის სასულთნოს სახელოვანი სულთანი, გამცნობ ქართველთა მეფესა (მეფეთა გადამგველი). რომ დედაკაცი ყოველი არის შენსავით რევენი, იქამდი როგორ ამალდი, ან ისე როგორ გალადდი, რომ დღეს სუყველა გმორჩილებს, ვისაც მონებდი მანამდი, რომ ქვეყანაზე გაისმის შენი ჯარების გნიასი! ლამის სარცხვილით დაიწვიათ: თავზე გვაზიხარ დიაცი! ან რა უფლებით გაბედე ხელში იმ ხმალის დაჭერა, რომელაც დიდმა ალაჰმა მარტოდენ ჩვენთვის გაჭედა? მარტოდენ ჩვენთვის გაჭედა და ვით იქნება, ასპიტო, რომ იმით ქრისტიანებმა მუსულმანები გაწყვიტონ?! მუსულმანები გაწყვიტონ და პირჯვრის გადასახვამდი აპკრიფონ გაუგონარი ბეგარა-გადასახვადი? პოდა, რადგანაც საკუთარ ბუნაგში აღარ ჩერდები, ახლა მე შენზე მოვდივარ ჩემი მამაცი მხედრებით! გამომიწვრთნია ომისთვის მშვიდობას შეუჩვეველნი, წინ მანქანები მომიძღვის სიმაგრეების მხგრეველნი, უნდა იმგვარად დავეწვოთ თქვენთა ციხეთა ბურჯები, რომ ხორნაბუჯში ხორნაბუჯს ექებდეს ხორნაბუჯელი. რომ დაგავიწყდეთ მარადის ლახვარ-მახვილის ადება, რომ მზეს კვლავ ვეღარ შესცინონ ქართულმა ბაირაღებმა! მაგრამ, უბილო დიაცი, თუ ჩემი ჯარის მოსვლამდი შენს რჯულს უარყოფ, რომელსაც მუდამ დიდებით ჰმოსავდი, მაჰმადიანი განდები, კარავში გამოცხადდები, — შევიწყალებ და შეგინდობ, სულაც არ გავიცხარდები, ეს მხოლოდ შენთვის, ლამაზო, სხვას არვის ვაძლევ არჩევანს, ისე დავანგრევე ქვეყანას, მთხრობელიც აღარ დარჩება!“

2

ცას ჰგავდა ვარსკვლავიანსა სამეფო სახლის თავანი, ტახტზე დიდბუნებოვანი შეწვოდა მეფე თამარი. სულთანის გამოგზავნილი ხელში ეჭირა წერილი — დიდი ტრიალი მიხდორი, ცხენთაგან გადათელილი. წინ ელჩი იდგა დაღლილი მგზავრობის დავიდარაბით, (სარკმლიდან ჩანდა, ეზოში ლომებს აჭმევდა არაბი). ბატონკაცური ღუმლით ღუმდა დიადი დარბაზი. წითელი ოქრო გინდოდა, თუ ზღაპრად თქმული აღმასი! მდიდრულ კედლებზე ელავდა ინდოეთი და ელავდა, და სტავრ არაბეთისა ცეცხლის ალივით ღელავდა... ეს ნაკადული ნანაობს, თუ ყანა ნათავთავარი? — სულთანის წერილს კითხულობს შუბლშეჭმუნნილი თამარი. „ნეტავი დღესვე მიბრძანოს ურჯულთებზე თარეში!“ — ფიქრობს მხარგრძელი და თავის პატრონს შეპყრებს თვალეზში. მიწყდა ხმა ნაკადულისა — მეფემ გადადო წერილი და ელჩისაკენ მიბრუნდა შველივით ყელმოღერილი: — სხვას კიდევ რაღას გვიბრძანებს სახელოვანი ნუქარდინ, ჯერ არც კი ამხედრებულა, ქვეყანა შესძრა მუქარით. — სხვა ესეც შემოგიოთვალათ: „თუ რჯულს დასტოვებს თამარი, შევიდო, ცოლად შევირთო, ვუბოძო საქმრო ქამარი, მაგრამ თუ ასე არ იზამს, მტერი ყოფილა თავისა: რჯულს ძალით შევაცვლევირებ და მერე ხასად დავისვამ...“ სისხლი მოაწვა მხარგრძელსა, გული ქარ-ცეცხლით აეგსო, ერთი ხმამალა შეპკივლა: — რა სიტყვით სწამლავ პაერსო! — და პატრონივით ენაბილწს სილა გააწნა ისეთი,

გონდაკარგული დაასკდა იატაკს ეშმაკისერთი. წარბები შეკრა თამარმა: რად მოეპყრო უშვერად? — თავსაც მოგჭრიდი, მეფეო, მაგრამ ელჩობამ უშველა! რანდი მეფის ძვირისმთქმელს ბევრს როდი ალაპარაკებს: — დილეგში წაიყვანეთო! — კუშტად უბრძანა არაბებს. ფეხზე წამოდგა მნათობი, მეფეთა მეფე თამარი. ამირსპასალარს მიჰმართა: საზრუნავი გვაქვს მთავარი, მტრის ღირსეულად დახედრა ნუ გვეგონება ადვილი, ამაღამავე მოვაწყობ დიდებულების თათბირი. გადაწყდეს, სეფე ჯარს ვენდოთ, თუ ქულზე კაცი შევეყაროთ, რომ თურქმა შემოსულმა ბოლოს ვერ დაიმკვეხაროს, თორემ ტვინამღერეული ქვეყანას საფრთხეს უქადის. გმირულად, მამაპაპურად დავხვდეთ სისხლისმსმელ ნუქარდინს. — ნება შენია, მეფეო, — დინჯად ეტყოდა მხარგრძელი, — ომი მომწყურდა, ამ ქვეყნად უომრად ვეღარ გავძელი. დარბაზის ერი მოვიხმოთ და ასჯერ განსჯილ ბრძანებით, ბრძოლის ველისკენ ვაფრინოთ ჩვენი სამშობლოს ჯარები! — ომი უნდოდა მხარგრძელსა, ჯაჭვის პერანგის მორგება, ვაჟკაცსა სახელიანსა ისე არ დაეღვამება. წინ ჩაუქროლეს განვლილმა, გაციებულმა ომებმა... ეზოში ზარბაზნებზეთ დაიღრიალეს ლომებმა.

3

ვინც კი იარაღს ატარებს, გულითადია მეფისა, ვინც დროშას გორგასლიანსა დაუხოქა და შეპვიცა, ყველა ლაშქარში ვაჟკაცი, ერთგული ვინც გვეგულება, — იმჯელეს და გადაწყვიტეს მეფემ და დიდებულებმა. აილო მინა რხეული (ამბობდნენ შოთას ნაჩუქარს), დაჯდა თამარი და სულთანს ასე მისწერა პასუხად: — რა ვითქვამს, რა მოგიჭორავს, რას მეშარები შორიდან, ტყუილ-უბრალოდ ცილს მწამებ, ალბათ, სისხლისღვრა მოგინდა; ალბათ, სისხლისღვრა მოგინდა, თორემ, მაშ, რისთვის ისურვე, რომ მოგემჩახა ასეთი უმაგალითო სიცრუე?! ჰოი, უგნურო ნუქარდინ, წინ მიძევს შენი ბარათი, კარავში მოსვლას მიბრძანებ კაციჭამია ჯალათო... მოვდივარ, მაგრამ სხვაგვარად, თავად გაიგე და მიხვდი, მოვდივარ ჩემის ლაშქრითა, თუ ვაჟკაცი ხარ, დამიხვდი! მოვდივარ შენს დასასჯელად, თავლაფდასხმულო, თავნება,



დაგამარცხებ და დაგიცხრობ მაგ უშნო ამპარტაგნებას!

მეფე მსახურებს ეტყობდა: სასწრაფოდ დესპანს უხმეთო. შემოიყვანეს დილეგში ღამენათევი, უღმერთო.

უცხო სამოსით შემოსეს შავს მტვერში ამოგანგლილი და საამაყით გადასცეს მას საპასუხო გრავნილი. გულუხვად დასაჩუქრეს, სხვას ვის არგუნეს იმდენი, ვეხმარდი ლაფშა მთართვეს, წავიდა დიდის დიდებები. მიჰქონდა ოქრო და ვარცხნი, თვლები და მარგალიტები და ყბაზე დამდა — მხარგრძელის კელაპტრის სიმსხო თითები.

4

შეკრბა სრულიად სამეფო სპა იმერთა და ამერთა, ზღვის ფსკერზე ქვიშას, ზეცაში ვარსკვლავებს გადაამეტა. ერთ ძლიერ ჯარად შეკრული, დაუშლელ-განუფანტავი, ქართველი მამულიშვილი ნიკოფსით დარუბანდამდი. ჯარები ოვსთა, ყივჩაღთა, კახთა და ჰერთა გულადთა, ერთმანეთს დატოლებულნი, ფიცვერცხლნაჭამი ძმურადა, ქართლის, მესხეთის, სომხეთის ვაჟები მალხაზ-მალხაზი, თორელნი, ტაოელნი, შავშ-კლარჯები და აფხაზნი, ფიცხი და მკვირცხლი ლაზები, სვანები ბუმბერაზები და რაჭა-თაკვერ-არგვეთის მამაცი სუმპერაზმები. აზორდენენ, აზობოქარდენენ, როგორც ზვირთები არაქსის, და მეფის ირგვლივ მოგროვდნენ ვარძიის ციხე-ქალაქში. მეფემ ფრთებგანათებული სამეფო დროშა გაშალა. და საქართველოს უძლეველ ჯარს დაულოცა გზა-შარა. თავად კი ლოცვა-კურთხევით ქალაქ ოძრახეს წავიდა, თავს დაჰნათოდა სულმანთსა მაისის ცა ვარსკვლავითა.

5

ერთ შესახედად კმაროდა ლაშქარი ომს მიმავალი: წინ მიუძლოდა სოსლანი — ვაჟკაცი პაეროვანი. სოსლანის გვერდით პირქუში მხარგრძელი განგაცვიფრებდათ. იქვე ნახავდით შალვას და ივანეს ახალციხელთა, უკან პორფირით მოსილი მისდევდათ ჯვარისმტვირთველი. ნება-ნებაზე მიჰქროდნენ ქართველი ჯარის ზვირთები. ყველა გულმარხიანი, ერთიც კი არა ჯაბანი... ცხენთა და კაცთა სიმრავლით იზნიქებოდა მთა-ბარი.

6

— სიტყვა და საქმე ერთი მაქვს, ჩვეული არ ვარ ცრუ ქადილს, — ეუბნა რა, თავის მხედრობა წამოეყვანა ნუქარდინს. ბასიანს იღვა ბანაკად, რიცხვით რამდენი, ვინ იცის? იღვა და გასალაშქრებლად ემზადებოდა დილისთვის... დილაც გათენდა და თეთრად კარვებზე დასხდნენ ნისლეები, ჯერ კიდევ სძინავს სულთანსა თავისი დარბაისლებით. გალაღებულა უგნური, რა დღე მოეღის არა სჯის, კარვების არემარეში ერთიც არ ფხიზლობს დარაჯი. ქართველი ჯარის სარდლებმა მარჯვე შემოხვევა იხელეთეს და ცხენოსანი რაზმებით მწყობრად დაიძრნენ იქეთკენ.



კოტა ხანს წყნარად ვილოდნენ, მოკლედ იჭერდნენ აღვითა, მაგრამ როდესაც სულთანის ბანაკში კაცი აყვირდა: წამოდექითო, მხედრებო, სპა დაგვესხაო ურიცხვი, — სოსლანმა ჯარებს მიჰმართა: — „სამშობლო ქვეყნის გულისთვის!“ — ხმალი იშიშვლა, ლაშქარში გადაერია ქვაგული. ცეცხლს ჰყრიდა ბუნჯგალ-ბუნჯგალსა მისი ფოლადის ფრანგული. ცალკერძ მხარგრძელმა დასჭექა, ცალკერძ თორელმა დასძახა და გულმკერდგახურებულნი მტერს მიეხალნენ მხარდამხარ. წამოიშალა სულთანის ბანაკი ციებ-ციხელებით, შეირტყეს ისარ-კაპარტი, შეათამაშეს ცხენები. შეუზახნეს და შეიბნენ, ომი სად თქმულა ასეთი: ილეწებოდა ფოლადი უჭედელი და ნაჭედი. დასცხეს ერთმანეთს ისრები და წაუშინეს წათები. — ჩაფხუტი ჩამოიწვიე, თორემ თომრად წახდები! — გასძახა ახალციხელმა შალვამ თავის ძმა ივანეს, როცა სულთანის კაცები გაცოფებულნი მივარდნენ. მაგრამ ხმლის ორი ელვა — და დაეცნენ მოძალადენი, სისხლის მდინარემ წაიღო მათი ფარ-მუზარადები. კალთამდე ჩამოაფხრიწეს შალვას ავასან ტყავ-კაბა, როცა ძმის მისაშველებლად ცხენ-კაცთა ტვერი გაკაფა,



ომი გაგრძელდა...
გაძნელდა...

ფოლადს სცვივოდა ტალღები.
ამოიხაფრა ჰაერი ნამსხვრევი შუბის ტარებით.
მოითარეშა სიკვდილმა სიკვცხლის გასაგისები,
ყოველი მხრისკენ აფრინა სისხლით დაღთვრალი ისრები.
აგერ შეიბნენ ორ-ორი — ურთერთს ახეთქეს ჰოროლი.
აგერ ვეფხვივით გაქანდა მხედარი შეურავალი,
მას ასათიძე გრიგოლი შემოხვდა როგორც გრივალი.
გულში გაურჭო მახვილი, „ვაჰმე დედაო“, იძახდა.
ცეცხლწაყიდებულ გორაკზე
დასტა იბრძოდა ყივჩაღთა.
წამოიშალნენ ტალღებად მძვინვარე სისხლის ღვარები
და გაიტაცეს ცხენდაცხენ ივანე ციხისჯვარელი.
და რაი ნახეს, რომ რაინდს გზა-კვალი გაუტიალდა,
აღმართეს იქცევისები ზათ თურქთა ჩაფხუტიანთა.
ერთმა ახმახმა შორიდან ისრით გაუპო გმირს წარბი,
მაგრამ მიუხტა ივანე გასაოცარი სისწრაფით
და ისე დაჰკრა კეფაზე ხანჯალი გაულუნველი,
რომ ტვინი მისი ჰაერში ავარდა, როგორც ღრუბელი.
და მერე, როცა მკლავმარდი წამოეშველა გაგელი,
ერთად ეკვეთნენ უკეთურთ მამულის მოამაგენი.
მუსრეს და მუსრი გაავლეს... მოკლულთა დაღვა ჯვბირი.
მიანც ვერ გაძდა ბრძოლითა მარჯვენაწარბგაჩეხილი.
ომი გაგრძელდა...

გაძნელდა...

ქენებით განახელები,
წინმბრძოლ სპასალარ-სპასპეტთა ყველას მოუკლეს ცხენები.
დაიქვეითეს მაშინვე სხვა დანარჩენმა ვაჟებმა
და სარდლებს გვერდში დაუდგნენ რიგების გასაკაჟებლად.
— ცხენოსანებო, ისმინეთ, ეს მე გიბრძანებთ თვითეულს,
მარცხენა მხრისკენ მობრუნდით უტიეთ დაქვეითებულთ! —
ბრძანა სოსლანმა და ჯარი მიატრიალა მხარმარცხნივ,
— ქვეითო, მარჯვნივ სასწრაფოდ, თორემ უომრად დაემარცხდით!
ხმა მიაწვდინა მხარგრძელმა არევ-დარეულ ქვეითთა,
ჯარი ერთ ხაზზე გაეწყო და ომი ისევ შენივთდა,
ისევ შეიქმნა მტრის თავზე ფხიანი ხმლების ჯახება,
შეშინებულმა სულთანმა იკადრა უკან დახვევა.
ისევ მიჰმართეს სარდლებმა მრავალჯზის ნაცად შევარდნებს
და ნუქარდინის ლაშქარში ისევ გულდაგულ შევარდნენ.
გასკდა მტრის ჯარის სიმრავლე, მტრის ბუქი დაღვა სვეტებად,
გაუგონარი რამ იყო უკანასკნელი შეტევა!
ბევრ ვაჟკაცს გადაეფარა წყვდიადი შავი სამარის,
სირცხვილნაჭამმა სულთანმა მოკურცხლა თავის ამალით.
უკან დაედგნენ ქართველნი კაფვით, ხანჯლების კისკასით:
— მეორედ აღარ გაბედოთ შემოჭრა ქართლის ჭიშკარში!

გათავდა ომი თუ არა; ერთად შეგროვდნენ ჯარები,
მხრებზე შეენოდათ მშვილდები და შულზე ნახანჯლარება.
მკვდრებით მოფენილ მინდორზე სიო არ ჰქროდა არსაით,
მუზარადი და ჩაჩქანი ეყარა რიყის ქვასავით.
ზოგან მოჩანდა მხედარი, ხმლით გაკვეთილი ორად,
ზოგან დაჭრილი კვნესოდა და სისხლის ღვარი ბოლავდა.
როგორც ტყე შემოდგომისა ფოთლის ყვითელი ფოჩებით,
იდგნენ ხელჩართულ ბრძოლაში ნაალაფარი დროშები.
— მალემსროლიო! —

მხარგრძელმა მხედრებმა მხარგრძელს შესახეს
და ერთი ჩვეულთაგანი
გაქანდა ოძრახესკენ.
ჯარის წინ სახელოვანი სარდლობაც გამოშვინდა,
გახსნეს შეკრული თვალ-წარბი, ფარებს დაეყრდნენ ზვიდად.
წინ გადაშლოდათ საკუთარ მარჯვენით ნაპარტახევი,
მზეზე ელაგდნენ ლომკაცთა ფოლადის ჩაბალახები.
უცებ სად იყო, სად არა... გაშემდნენ გაკვირვებითა:
არწივთა გუნდი აფრინდა არაქსის ნაპირებიდან.
ჯერ გაჰკრეს, გაინავარდეს, მზის შუქში გაფერნაირდნენ,
და მერე მსხვილი ჭანგებით მხრებზე დაასდნენ რაინდებს.
ამირანივით მოჩანდა მუზარადიან ტოლებში
ძლიერად მბრძოლი მებრძოლი, ბატონ-პატრონი ლორესი.
თამარის თანამეცხედრე, თვით მეფე გვირგვინოსანი,
ზერდაგზე იჯდა ბეჭბრტყელი შიშვეული სოსლანი,
და გაეშალა ლაჟვარდში ისე, ვით ლომის ფაფარი,
გორგასლიანი ალაში — ვაჟკაცთა თავშესაფარი.
ჯარი ძველ ლაშქრულს მღეროდა ებანებოდა ტყე-ველი
და საქართველო იდგა ვით, გოდოლი შეურყეველი!



დედამიწის

ხელოვნური თანამგზავნი

დედამიწის
ხელოვნური
თანამგზავნი

ახლა, როდესაც მთელი მსოფლიოს ყურადღება მიპყრობილია საბჭოთა ადამიანების შრომით შექმნილ, მსოფლიოში პირველ, დედამიწის ხელოვნურ თანამგზავრზე, ჩვენ სიამოვნებისა და მადლობის გრძნობით ვიგონებთ ჩვენს დიდ თანამემამულეს — კ. ვ. ციოლკოვსკის, რომელმაც რეაქტიული ძრავებისა და საკლანეტათაშორისო მიმოსვლის მეცნიერულად დასაბუთებული თეორია მისცა კაცობრიობას.

ჩვენი ღამის მნათობი — მთვარე, როგორც ცნობილია, დედამიწის ბუნებრივი თანამგზავრია. ხელოვნური თანამგზავრი კი წარმოადგენს თავისებურ საფრენ აპარატს, რომელიც, როგორც პატარა მთვარე გარს უვლის ჩვენს პლანეტას და იგი ისევე ემორჩილება მიზიდულობის კანონს, როგორც დედამიწა, მთვარე და სხვა ციური სხეულები.

რისთვის შეიქმნა
ხელოვნური
თანამგზავნი

დედამიწა, როგორც ცნობილია, ყოველი მხრიდან გარემოცულია ჰაერის გარსით-ატმოსფეროთი, რომელიც ასობით კილომეტრის სიმაღლეზეა გადაჭიმული. შემდეგ

იწყება კოსმიური სამყარო, სადაც არ არის ჰაერი და დედამიწისგან მკვეთრად განსხვავებული პირობებია გაბატონებული.

ატმოსფეროს შესწავლა საუკუნეებია რაც დაიწყო, მაგრამ აქამდე ეს შესწავლა მხოლოდ და მხოლოდ დედამიწიდან დაკვირვებით სწარმოებდა. ჰაეროსტატის, თვითმფრინავისა და ბურთ-ზონდების გამოგონების შემდეგ კარგად იქნა შესწავლილი ატმოსფეროს მხოლოდ დაბალი ფენები—დაახლოებით ოცდაათი კილომეტრის სიმაღლეზე. ატმოსფეროს ზედა ფენების შესწავლა კი მხოლოდ რაკეტული ტექნიკის გამოყენებამ გახადა შესაძლებელი. მათ საშუალებით მეცნიერები ატმოსფეროს მაღალ ფენებში შეიჭრნენ. სპეციალურმა აპარატურამ, რომელიც



თანამგზავრის ორბიტი.

რაკეტაზე იდგმება, მეცნიერებს საშუალება მისცა დაედგინათ ატმოსფეროს მაღალ ფენებში არსებული პირობები. მაგრამ რაკეტის ფრენის ხანგრძლივობა მხოლოდ რამდენიმე წუთით განისაზღვრება, რის გამოც სრულყოფილი აპარატურაც კი ვერ იძლევა იქ, მაღალ ფენებში, მიმდინარე ქიმიურ-ფიზიკური პროცესების ნათელ სურათს. ამასთან რაკეტის „თვალთახედვის“ ზოლიც ძალზე შეზღუდულია.

ავიაციისა და რაკეტული ტექნიკის, რადიოსა და ტელევიზაციის, ასტრონომიისა და ასტროფიზიკის, გეოფიზიკის და ბიოლოგიის შემდგომი განვითარება კი მოითხოვს ზედმიწევნით იქნეს შესწავლილი არა მარტო ატმოსფერო, არამედ დედამიწასთან ახლომდებარე კოსმიური სამყაროც.

ეს ამოცანა შეიძლება წარმატებით გადაიჭრას მხოლოდ დედამიწის ხელოვნური თანამგზავრის დახმარებით, რადგან დიდ სიმაღლეზე ხანგრძლივი დაკვირვების საშუალებას მხოლოდ იგი იძლევა.

რ. მ. ბ. მ. რ. ა. რ. ი. ს.
მ. ო. შ. ყ. ო. ბ. ი. ლ. ი.
თანამგზავნი

ჩვენი პირველი თანამგზავრი, რომელიც 4 ოქტომბერს იქნა აშვებული, ბურთის ფორმისაა, დია-



★
ძალი „ლაიკა“ პერმეტულ
კაბინაში. თანამგზავრში მოთავ-
სების წინ.



მიწის სულ სხვადასხვა რაიონს გა-
დაუვლის ხოლმე თავზე. თანამგზავ-
რი თითქმის ზუსტად განსაზღვრუ-
ლი ორბიტის მიხედვით უვლის დე-
დამიწას გარშემო, დედამიწა კი
თანამგზავრის მიერ მოხაზულ ამ
რკალის ქვეშ ტრიალებს. დედამი-
წის სხვადასხვა ნაწილებს არათანა-
ბარი მიზიდულობისა და ატმოსფე-
როსთან ხახუნის გამო, თანამგზავ-
რის ორბიტის ზომა იცვლება, და
როდესაც იგი ისე შემცირდება, რომ
დედამიწას დაახლოებით ასი კილო-
მეტრით მიუახლოვდება, ატმოსფე-
როს უკვე საკმარისად გახშირებულ
ფენებთან ინტენსიური ხახუნის გა-
მო, იგი გახურდება და მეტეორის
მსგავსად დაიწვება.

წინასწარმეტყველებენ, რომ პირ-
ველი თანამგზავრი დაახლოებით სა-
მი თვე იმოძრავენ დედამიწის გარ-
შემო, მეორე თანამგზავრი კი, ცხა-
დია, ბევრად უფრო დიდხანს გაძ-
ლებს.

თ ა ნ ა მ მ გ ა ვ რ ი ს
თ ვ ა ლ ი ს დ ე ვ ნ ე ბ ა

თანამგზავრზე დაკვირვება ოპტი-
კური ხელსაწყოების საშუალებით
ხდება. დიდ როლს თამაშობს, აგრე-
თვე, რადიოტექნიკური საშუალე-
ბები. ამასთან უნდა აღინიშნოს,
რომ ოპტიკური ხელსაწყოებით და-



მეტრში 38 სანტიმეტრია და 83 კი-
ლოგრამს იწონის. თანამგზავრის
სხეული დამზადებულია სპეციალუ-
რად დამუშავებული ალუმინის შე-
ნადნობისაგან. მის შიგნით მოთავ-
სებულია სხვადასხვა ხელსაწყოები,
კერძოდ, ორი რადიოგადამცემი, რო-
მელიც კორპუსის გარემხარეზე მო-
თავსებულ ანტენის საშუალებით
განუწყვეტლივ იძლევა რადიო-სიგ-
ნალებს.


რ ო ბ ო რ მ ო ძ რ ა ო ბ ს
თ ა ნ ა მ მ გ ა ვ რ ი ს

თანამგზავრის ორბიტი დედამიწას
სამხრეთ-დასავლეთიდან ჩრდილო-
აღმოსავლეთით ჰკვეთს. ორბიტის
ყველაზე დაბალი ნაწილი ჩრდილო-

ეთ ნახევარსფეროში მდებარეობს,
მაღალი კი — სამხრეთში. ამიტომ,
ორივე თანამგზავრის მინიმალური
სიმაღლე, მოძრაობის დასაწყისში
250 კილომეტრი იყო, ხოლო მაქსი-
მალური, პირველი თანამგზავრისა—
900 კილომეტრი, მეორისა — 1700.

პირველ ხანებში, პირველი თანა-
მგზავრი დედამიწას 96,2 წუთში უვ-
ლიდა გარს, მეორე კი 103,2 წუთ-
ში, ასე რომ დღე-ღამეში მეორე თა-
ნამგზავრი ფრენის დაწყებისას 14-
ჯერ უვლიდა დედამიწას, ხოლო
პირველი, ამ მანძილს 15-ჯერ გადი-
ოდა.

ვინაიდან, დედამიწა თავის დერ-
ძის გარშემო ბრუნავს, ყოველი შე-
მოვლის დროს თანამგზავრი დედა-



ა ხ ა დ ი

”
ა
მ
ც
ა
ბ
ვ

აფხაზური სიტყვა «ამცაბვ» ქართულ ენაზე ალს ნიშნავს, ალისფერია
თქვენი ყელსახვევი, ალისფერია თქვენი ალმები. ამიტომაც ეწოდა ეს სახელი
აფხაზურ ენაზე გამოსულ ახალ საბავშვო ჟურნალს.

«ჩვენ, აფხაზი ბავშვები, ძალიან გავყავართ აფხაზურ ენაზე გამოსულმა
ახალმა ჟურნალმა... ჩვენი ჟურნალი კარგად არის გაფორმებული, შიგ ბევრი
რამ საინტერესო წავიკითხეთ»,—სწერს გაზეთ «ნორჩ ლენინელს» აფხაზი გოგო-
ნა—გულნარა კაცია. მართლაც რომ მეტად საინტერესო მასალებია იქ დაბეჭ-
დილი. არ დარჩენილა აფხაზი მწერალი, რომელსაც პატარა მკითხველი არ
გაეხარებინოს. აი, აფხაზეთის სახალხო პოეტის—დიმიტრი გულიას ლექსი; აქვეა
გამოქვეყნებული ბავრატ შინკუბას, კ. ლომიას, ა. ჯონუას და ნელი თარბას
ლექსები; ი. პაპასკირის, ჭ. ჯონუას, ზ. დარსალიას, შ. ინალიფას საბავშვო
მოთხრობები და ნარკვევები.

კვირვება დამოკიდებულია ატმოსფეროს გამჭვირვალობაზე, თანამგზავრის ზომასა და მის განათებულობაზე. რადიოტექნიკას კი ეს მიზეზები დაბრკოლებას ვერ უქმნიან, მაგრამ მათი როლი, თანამგზავრიდან რადიოსიგნალების შეწყვეტასთან ერთად, ნულამდე დადის.

თანამგზავრზე რომ დაკვირვება ვაწარმოოთ, ამისათვის საჭიროა: ჭოგრიტი, კომპასი, საათი და ამასთან, სასურველია, ვიცოდეთ ვარსკვლავთა რუკა. კარგია, თუ დაკვირვებისათვის ფართე ჰორიზონტიანი ადგილი შეირჩევა.

როგორ ხდება თანამგზავრიდან ცნობების გადაცემა

დედამიწაზე ცნობების გადაცემა სპეციალური რადიოტელემეტრიული ხელსაწყოებით ხდება.

როგორც ცნობილია, რადიოტელემეტრების ძირითად მაჩვენებელს წარმოადგენს მათი სიხშირე და რხევის ამპლიტუდა. ამისათვის, რომ რადიოტელემეტრების საშუალებით გადაცემული იქნას ცნობების სუნთქვის პროცესი, ცნობების სუნთქვით მიმავრებულია სპეციალური ხელსაწყოები, რომლებიც „თვალს ადევნებენ“ სუნთქვის პროცესს, რადიოტელემეტრები კი მას ატმოსფეროში ავრცელებენ. თანამგზავრიდან წამოსულ ამ ბგერებს „იჭერენ“ სპეციალური რადიოდანადგარები, რომლებიც ამ სიგნალებს ტეხილი ხაზის სახით ლენტზე აღნიშნავენ. ამ ლენტის მიხედვით მეცნიერები, როგორც

წიგნში, ისე კითხულობენ ცოცხალი ორგანიზმის მდგომარეობას და საზღვრავენ პირობებს, რომლებიც იქ ბატონობენ.

რას მიხედვით თანამგზავრები მეცნიერებს


დღესდღეობით თანამგზავრის გამოყენების საქმეში გადადგმულია მხოლოდ პირველი ნაბიჯები, მაგრამ, ახლაც კი ცხადად ჩანს თუ რა უდიდესი მნიშვნელობა ექნებათ მათ ასტრონომიისათვის, რადიოფიზიკისათვის, და კოსმიური ხომალდების კონსტრუქტორებისათვის.

დედამიწიდან დიდ მანძილზე დაშორებული თანამგზავრი, დაგვიხმარება შევისწავლოთ კოსმიური და მზის სხივები, რომელიც ჩვენამდე, ჩვეულებრივ, ატმოსფეროში „დამახინჯებულად“ მოდიან. ხოლო, რაც უფრო მდიდარი იქნება ჩვენი ცოდნა მათ შესახებ, მით უფრო ნათელი იქნება სამყაროში მიმდინარე სხვადასხვა პროცესების სურათი.

დიდი მნიშვნელობა ექნება აგრეთვე ტემპერატურის, წნევისა და ჰაერის შემადგენლობის განსაზღვრას, რასაც წარმატებით ახორციელებენ თანამგზავრები.

თანამგზავრების დახმარებით საშუალება გვექნება დავაკვირდეთ დედამიწის გარშემო ჰაერის თბილსა და ცივ მასებს; აგრეთვე ანტრარქტიკისა და არქტიკის ყინულის მასებს, რასაც დიდი მნიშვნელობა აქვს მეტეოროლოგიისათვის.

აქ ჩვენ ჩამოვთვალეთ მხოლოდ მცირე ნაწილი იმ მეცნიერული



თანამგზავრზე დადგმული კანტენერები, რომლებშიაც სამეცნიერო აპარატურაა მოთავსებული.



პრობლემებისა, რომლებიც გადაჭრილი იქნება ხელოვნური თანამგზავრის საშუალებით. ხელოვნური თანამგზავრები, როგორც კოსმიური სამყაროს პირველი მშვერავები, გზას გაუკაფავენ საპლანეტაშორისო მიმოსვლას.

გავლის მცირე დრო, და ჩვენი თანამედროვეები თვალნათლივ იხილავენ, თუ როგორ შეისხამს ფრთებს ადამიანთა საუკუნო ნაოცნებარი.

ნ. პარკარაძე

დოსაფის ავტონავტიკის სექციის თავმჯდომარე.


ყურნალი „იუნი ტექნიკი“ № 12. 1957 წ.

ს ა რ უ ქ რ ე ბ ი

პირველ ოქტომბერს თბილისის პიონერებმა მშვენიერი საჩუქარი მიიღეს: გამოვიდა თბილისის პიონერთა და მოსწავლეთა სასახლის გაზეთი—«გაზაფხული».

«გაზაფხულის» ფურცლებზე უმეტესად სასახლის აქტივისტები ბეჭდავენ საკუთარ ლექსებსა და მოთხრობებს, წერენ კაბინეტებში, წრეებში ჩატარებული მუშაობის შესახებ. მკითხველს «გაზაფხული» ესაუბრება სასახლის, მოზარდი თაობის ამ აღმზრდელი კერის მრავალფეროვანი და საინტერესო შრომის შესახებ. აქ ნახავთ წერილებს, თუ როგორ ემზადებიან დეკადის მონაწილენი მოსკოვში წასასვლელად, როგორ შეხვდნენ ისინი დიდი ილიას საიუბილეო დღეებს, რა გატაცებით მუშაობდა ნორჩ არქეოლოგთა პირველი ექსპედიცია ბეთანიის მიდამოებში, როგორ დამეგობრდა ორი—ქართველი და ჩეხი პიონერი გოგონა, და კიდევ მრავალი სხვა. «გაზაფხულმა» თქვენ კიდევ ერთი ახალი სიხარული მოგიტანათ.

„ ბ ა ზ ა ფ ხ უ ლ ი „



გუნება ჭერჭერად

ალიბარ ყიუიანი

ფოტო ო. თურქიასი

ქინო და... სიმინდი

კვირა დილით თენგიზს სკოლის ამხანაგებმა გამოუარეს, ნორჩ ნატურალისტთა საცდელ ნაკვეთზე უნდა წასულიყვნენ სიმინდის ყანის გასათოხნად, მაგრამ თენგიზი ჯერ კიდევ არ ამდგარიყო, ლოგინში ნებივრობდა, ავად ვარ, წუხელ სიცხე მქონდა, მგონი გრიპი შემეყარაო— არწმუნებდა მეგობრებს.

— სტუფი, გეზარება წამოსვლა! — მიუხვდა ერთ-ერთი მათგანი.

— არა, დედას გეფიცები, ავად ვარ! — დაბეჯითებით გაიმეორა თენგიზმა.



ამხანაგები წავიდნენ.

თენგიზმა შვებით ამოისუნთქა. კმაყოფილებისაგან კინალამ ხმაძალა გაეცინა, რა იოლად მოიშორა ამხანაგები. რა დროს სიმინდის თოხნაა ამ მზიან დღეს! უბნის ამხანაგები უფრო კვიანები არიან, კინოში წასვლა შესთავაზეს თენგიზს, დილის სენსზე, განა ეს არა სჯობია მუშაობასა და ოფლის ღვრას?!

თენგიზი წამოდგა. ახალგაუთოგბული „ვისკოზის“* ხალათი გადაიცვა, ლილები ბოლომდე შეიკრა. შემდეგ ისაუზმა, ცხელ ჩაის გემრიელი ნამცხვარი შეატანა. კედლის საათი ათის ნახევარს უჩვენებდა. თენგიზი სწრაფად წამოდგა და ლინოლეუმის კრიალა იატაკზე გასრიალდა, სულ სრიალ-სრიალით მივიდა კარამდე და კიბეებზე ჩაირბინა.

ეზოში მსუბუქი ავტომობილი იდგა. გარშემო ბიჭები შემოხვეოდნენ და მძღოლს ათასნაირ კითხვებს აყრიდნენ. მძღოლი კი ფრთხილად ასხამდა მოტორში რაღაც მუქსა და სქელ ზეთს და უხასიათოდ პასუხობდა ბიჭებს შეკითხვებზე.

ამ ავტომობილით თენგიზის მამა მიდიოდა სანადიროდ და ბიჭებს

დაჰპირებოდა: — კინო-თეატრის შენობამდე მიგიყვანთო.

ნახევარი საათის შემდეგ თენგიზი და მისი უბნის ამხანაგები ჩაბნელებულ დარბაზში ისხდნენ და გატაცებით აღევნებდნენ თვალს კინოფილმის კადრებს. ამ დროს კი თენგიზის სკოლის ამხანაგები, ნორჩ ნატურალისტთა საცდელ ყანაში მუშაობდნენ, გულმოდგინედ უვლიდნენ სიმინდის თითოეულ ძირს, სიმინდისა, რომლიდანაც...

ეჰ, რა იცოდა ჩვენმა თენგიზმა, რომ „ვისკოზის“ ხალათი, რომელიც მან დილით გადაიცვა, და იმ ხალათის ლილებიც სიმინდისაგან იყო დამზადებული; რა იცოდა, რომ იმ ნამცხვარსაც, რომლითაც პირი ჩაიგემრიელა და დანაყრდა, სიმინდისაგან აკეთებენ. რომ სიმინდისაგან აკეთებენ ლინოლეუმის იატაკსაც და ავტომობილის ზეთსაც, ურომლისოდაც მანქანა კინომდე ვერ მიიყვანდა ბიჭებს. ამას რომ თავი დავანებოთ, თენგიზის ამხანაგის მამაც ვერ წავიდოდა იმ დილით სანადიროდ, რადგან თოფის წამალიც სიმინდისაგან კეთდება.

რა იცოდა ჩვენმა თენგიზმა, რომ სიმინდისაგან ამზადებენ ცელულოზს და კინოფილმისათვის საჭირო

* ვისკოზი — ხელოვნური აბრეშუმია



ფირებს, ურომლისოდაც იმ დილით თენგიზი კინოს ვერ ნახავდა და ვერ დატკბებოდა. ვინ იცის, ყველაფერი ეს რომ სცოდნოდა თენგიზს, იქნებ წაჰყოლოდა ნორჩ ნატურალისტებს სიმინდის ყანის გასათოხნად?!


**ნორჩ ნატურალისტთა
გამოფენაზე**

ნორჩ ნატურალისტთა III რესპუბლიკური გამოფენის ერთ ერთ კედელზე ჰკიდია სტენდი, რომელიც თვალსაჩინოდ მოუთხოვს მნახველს, თუ რა და რა ფართო მოხმარების პროდუქტებს ამზადებენ სიმინდის მარცვლისა, ღეროსა და ნაქუჩისაგან. ეს სტენდი გააკეთეს არა თენგიზის მსგავსმა პიონერებმა, არამედ ნორჩმა ნატურალისტებმა, ბეჯითმა ბავშვებმა ც. ფანჩვაძემ და თ. ხუხუნაშვილმა, რომლებსაც გატაცებით უყვართ ბუნება, ყვავილები და ხეები, მცენარეები და პეპლები, ცხოველები და ფრინველები.

გამოფენაზე წარმოდგენილია საქართველოს ფლორა და ფაუნა. 9 ოთახში 8000-ზე მეტი ექსპონატი გამოუფენიათ რესპუბლიკის 245 სკოლისა და სკოლის გარეშე დაწესებულებების ნორჩ ნატურალისტებს. ეს არის პაწია სასოფლო-სამეურნეო გამოფენა, რომლის საუკეთესო ნი-

მუშებს ბოლოს დიდ საკავშირო გამოფენაზე გაგზავნიან.

ათვალიერებ ექსპონატებს და ყოველი ნიმუში, გამოფენის ყოველი კუთხე თვალწინ წარმოგიდგენს ამ ნიმუშთა „ავტორებს“, ნორჩ ნატურალისტებს, მთელი მონდომებითა და სიყვარულით რომ ემზადებოდნენ გამოფენაში მონაწილეობის მისაღებად. რამდენი ენერჯია დაუხარჯავთ, რაოდენი სითბო გაუღიათ თავიანთი გულისა. აქ ნახავთ 22 კილოგრამიან გოგრას, (გორის რაიონის სოფ. ტყვიავის ნორჩი ნატურალისტები), უცნაურ ნამყენს — ფესვად რომ კარტოფილი აქვს და ღეროებზე წითელი პამიდორი. იგი ქობულეთელმა მოსწავლემ — აქვსენტი კომახიძემ გამოიყვანა. სოფ. მეჯვრისხევის ნორჩ ნატურალისტებს, ბოსტნეულის სხვადასხვა თესლისაგან „დახატული“, ი. ჭავჭავაძის მშვენიერი პორტრეტი გამოუგზავნიათ. მშვიდობის მტრედიც და საბჭოთა კავშირის სახელმწიფო ღერბიც ასევე თესლებისაგან დაუმზადებიათ ნორჩ ნატურალისტებს. გამოფენაზე ნახავთ ელექტროფიცირებულ „რუკა-მასწავლებელს“, რომლის დახმარებით სწრაფად და ადვილად მიაკვლევთ სხვადასხვა მცენარეთა წარმოშობისა და გავრცელების ადგილებს მსოფლიოში.



სავახშომოდ მიემგზავრება კუთა ქარავანი.

თურმე ნუ იტყვიო, მესხური თუთისაგან ასპინძის რაიონში ამზადებენ ლიქიორს, არაყს, ლეჩერს, თაფლს, ჩირს, ჩურჩხელას, ტკბილ კვერს (სოფ. ტოლობის საშ. სკოლა); ჭანჭურისაგან — მურაბას, ტყლ-აპს, კომპოტს, ჩურჩხელას, ჩირს, არაყს. (სოფელ კობარეთის საშ. სკოლა). სოფელ იდუმალში ოცდაათამდე ვაშლის ჯიში ყოფილა გავრცელებული — ფაშა ვაშლა და ყარაფილა, რაზმარინი და შაფრანი. ლი. მონა ვაშლა და ბელფლორი, შამპანური რენატი, ბააზი ვაშლი და სხვ.

თურმე ნორჩ ნატურალისტებს ნუშზე ატამი დაუმყნიათ, თურმე საქართველოში გავრცელებული იშვიათ მცენარეთა მერქნები შეუგროვებიათ: მეჭეჭიანი არყი, ბერძნული კაკალი, აღმოსავლეთის წიფელა, ღვია, ლეკის ხე და ავეჯისათვის ძვირფასი მასალა — უთხოვარი, რომლის მერქანი ბზის ხეს სჯობია.

თურმე, ერთი კუბური მეტრი ხისაგან შეიძლება დამზადდეს 63 კგ. ფისი, ან 16 კგ. სკიპიდარი, ან 120 კგ. ნახშირი ან 5 კგ. კანიფოლი და სხვა. (ბათუმის ნორჩ ნატურალისტთა სადგური). ყოფილა თურმე ლამაზი ცხოველი ძილგუდა, რომელიც


თურმე, ერთი კუბური მეტრი ხისაგან შეიძლება დამზადდეს 63 კგ. ფისი, ან 16 კგ. სკიპიდარი, ან 120 კგ. ნახშირი ან 5 კგ. კანიფოლი და სხვა. (ბათუმის ნორჩ ნატურალისტთა სადგური). ყოფილა თურმე ლამაზი ცხოველი ძილგუდა, რომელიც

სასარგებლო

ვუჩით



ვუჩკარი



აბრეშუმის
ჭიკა




ჩოქელა



ვანესა



ფიკა
თაფლი



ძაფი



— ოო, აი, ეს გოგრა მთელ წელიწადს მეყოფა სატკბანურებად—ამბობს პატარა ნუნუ.



გონებამახვილურად მოუფიქრებით პიონერებს სასარგებლო მწერ-თა მაჩვენებელი სტენდი, რომლის წარწერა შესრულებულია ასევე სასარგებლო მწერების—ჭია-მაიებისაგან.

იგრძნობა, რომ ნორჩ ნატურალისტებს მუდამ ახსოვთ ბუნების დიდი გარდამქმნელის მიჩურინის სიტყვები: „ჩვენ არ დაველოდები წყალობას ბუნებისაგან, ჩვენი ამოცანაა წავართვათ იგი ბუნებას“.

ნორჩ ნატურალისტებს წარმოუდგენიათ მაკეტი, რომელიც თვალსაჩინოდ გვასწავლის, თუ როგორ უნდა გაზომოთ თივის ზვინის მოცულობა აქვეა მაკეტი მერძევეობის უზარმაზარი ფერმისა (სამტრედიის I სკოლა), კულტივატორისა (წნორის ქარ

ვითაგვებიდან ციყვებისაკენ გარდამავალ სახეობას წარმოადგენს. დაბადებულია თურმე ექვსფეხიანი ლეკვი ძაღლისა და გამოჩეკილა ორთავიანი წიწილა.

ყველაფერი ეს კი გამოფენის მრავალმა ნორჩმა მნახველმა გაიგო და შეისწავლა, მათი თანატოლი ნატურალისტების მუყაითი შრომის შედეგად.




მეზობლეობა-მეყვავილეობის განყოფილებაში ყურადღებას იქცევს საქართველოს სხვადასხვა ჯიშის სიმინდებისაგან „აშენებული“ სვეტი.



თული საშ. სკოლა). მებალეობა-მევენახეობის განყოფილებაში გამოფენილია მაკეტი, რომელზედაც ჩანს, თუ როგორ წურავდნენ და ამზადებდნენ ღვინოს ფეოდალურ საქართველოში. მეზობელ დარბაზს კი ამშვენებს დღევანდელი სოფლის მეურ-



თითქოს თვითმფრინავიდან გადაულიათ სოფელიო. ეს არის სამტრედიის ნორჩ ნატურალისტთა მიერ გაკეთებული მექანიზებული ფერმა მერძევეობისა.



შურთხი

(მონადირის ნაამბობი)



შურთხი მეტად საინტერესო ფრინველია. მას, მეორენაირად, მთის ინდაურს ეძახიან, ის მართლაც წააგავს ჩვეულებრივ ინდაურს, როგორც გარეგნობით, ისე სიდიდით. ბინადრობს კავკასიონის ალპიურ ზოლში, განსაკუთრებით უყვარს მიუვალი კლდინი ადგილები, აქ იგი უშიშრად გრძნობს თავს.

შურთხების ცხოვრება მეტად საინტერესოა. ჩვეულებრივ ისინი გუნდგუნდად ცხოვრობენ. ხშირად გვხვდებიან იმ ადგილებში, სადაც ჯიხვები ბალახობენ, ეს გამოწვეულია იმით რომ შურთხი ჯიხვის ნაკელში პოულობს საკვებს, და ამ მხრივაც მასთან დაკავშირებული, სამაგიეროდ ჯიხვებისათვის შურთხს ხშირად მოაქვს დიდი სარგებლობა. მას აქვს ძლიერ მახვილი თვალი. მოახლოვებულ საფრთხეს შეამჩნევს თუ არა, ასტეხავს ხმაურს და მთელი გუნდი განგავით გაფრინდება ხოლმე. ამ ხმაურით ჯიხვები იგებენ მოახლოვებულ საშიშროებას და გარბიან თავის გადასარჩენად. შურთხს, ამგვარი საქციელით, მრავალი, მონადირე დაუტოვებია ხელცარიელი.


შურთხი კრუხობის დროს განსაკუთრებით ზრუნავს შვილებზე. ეს მე თვითონ მინახავს ნადირობის დროს; მისი მოხერხებული საქციელით ბევრჯერ დაებრუნდი სახლში ხელცარიელი. მახსოვს ერთი შემთხვევა: კვირადღე იყო, მზის ამოსვლისას თოფით ხელში ვესტუმრე თუშეთის მთის საჯიხვეებს. მალე ისეთ კლდიან ადგილებში მოვხვდი, რომ სიარული გა-

მიჭირდა, ხევიდან ცივი ქარი უბრავედა და თან ჯანღისა და ნისლის ნაფლეთები მოჰქონდა. ჯანღი წინ მეფარებოდა, გალიპული კლდეები გზას მილობავდნენ. ამიტომ ფრთხილად დავდიოდი და გულდასმით ვათვალისწინებდი გარემოს. უცებ მოულოდნელად დედა-შურთხს წავაწყდი, იქვე ახლადგამორჩევილი ჭუკები ყავდა. შემნიშნა თუ არა, საცოდავად აქვივლდა, აფართხალდა და ფერღობზე დაგორდა.

— ჭუკები სად წამივლენ, მოდი ჯერ ამას დავიჭერ მეთქი, — გავიფიქრე და უკან ავედევნე. მიგორავს აფრთხიანლებული დედა-შურთხი და მეც თან მივდევ. რამდენჯერმე წავატანე ხელი დასაპყრად, მაგრამ ამაოდ, ცოტაოდენი მანძილის გავლის შემდეგ გაშალა ფრთები და კრიახით გადაევლო კლდეებს.

— ჯანდაბას, იმ ჭუკებს მაინც ავკრეფავ მეთქი, — ვინუგეშე თავი და სწრაფად გამოვბრუნდი, ისიც კი გავიფიქრე, თუ როგორ უნდა წამეყვანა ოცამდე ჩველი შურთხი სახლში, მაგრამ აქაც გამიცრუვდა იმედი. ერთიც აღარ დამიხვდა მათ ნაბუღარში. ახლა კი მივხვდი, რომ მთის ინდაურმა მაჯობა მოხერხებით, მაგრამ გვიანლა იყო. ბუდიდან იმიტომ დაგორდა ფერღობზე, რომ ჭუკებიდან შორს გავეტყუებინე. როცა ივარაუდა, ახლა კი თავს უშველიდნენო ჭუკები, თითონაც გამისხლტა ხელიდან და თან შვილებს დაუწყაო ძახილი თავისი უცნაური კრიახით.

ასეთ შემთხვევას შემდეგაც წავაწყდი, თან სხვა მონადირეებმაც დამინდასტურეს, რომ შურთხი ამგვარი ხერხით ცდილობს შვილების გადარჩენას საფრთხისაგან.



ნეობის მექანიზაციის ნიმუშები. ამ მანქანათა დახმარებით ჩვენი კოლმეურნეები დიდ მოსავალს იღებენ ყოველწლიურად. აქ არის მეტეოკალენდარი და მეტეო-სადგურთა მაკეტები, სხვილისის ხახვზე დამყნული, „ქართული წითელისაგან“ მიღებული „ვაყის სილამაზე“, კარტოფილი და მისი ნაწარმი—კაუჩუკი, ვიტამინი C, სპირტი სახამებელი, სოლანინის ზეთი და მრავალი სხვა...

როგორც კი შეხვალთ ბოსტნეულობის განყოფილებაში, მაშინვე მოგაგონდებათ „ჩიპოლინოს“ ზღაპარი. აქ ხვრინავენ მსხვილთავე ხახვები, წრიანებს წითელი და ჭრელი ლობიო, ახველებენ ღიპიანი გოგრები, ქშინავენ ლოყებზე აღმურავარდნილი ჭარხლები, და ვინ იცის, ღამით, როცა გამოფენის დარბაზები დაცარიელდება და სამარისებრი სიჩუმე გამეფდება, იქნებ თავთავიანთ თავგადასავლებს უამბობენ ერთმანეთს ბოსტნეულთა სამეფოს „მოქალაქენი“.

არა, ნამდვილად შეცდა თენგიზი, ყანაში სამუშაოდ რომ არ გაჰყვა თავის ამხანაგებს; მასაც ხომ შეეძლო ყოფილიყო ამ საინტერესო გამოფენის მონაწილე, მასაც ხომ შეეძლო მცირე წვლილის შეტანა. ამით თავის ცოდნასაც გაიმდიდრებდა და შინაარსიანადაც გაატარებდა დროს, კინოში წასვლას კი ყოველთვის მოასწრებდა.

ვნახოთ, იქნებ თენგიზმა გამოასწოროს თავისი შეცდომა!

7 290



შოთა ბაქრაძე



ხრდილოეთის ცბის ტყვე



გლეზ გოლუბაჰი

ნახატები დ. ნოდიახი



წლების განმავლობაში მშობლიურ ქვეყანაში ჩემი მოგზაურობის გამო, ჩემი სახლი პატარა მუზეუმად იქცა. ყოველი მოგზაურობიდან შინ, სახსოვრად, რაიმე უცნაური კენჭი, იშვიათი მცენარის ყვავილი, ან ლამაზი ფრინველის ფიტული მომქონდა. თანდათანობით ჩემს მუზეუმში ექსპონატების რაოდენობა გაიზარდა და თითოეულ მათგანს თავისი საკუთარი, საინტერესო ისტორია აქვს.

და აი, დღეს მინდა მოგიხსნათ ერთი ასეთი ისტორია, დაკავშირებული პატარა, ხალხიანი თევზის ფიტულთან, რომელიც თაროზე მიდევს. ვუყურებ თევზს და მაგონდება ჩრდილოეთის შორეული მხარე, პატარა კუნძული ბარენცის ზღვაში და იმ კუნძულზე გასაოცარი ტბა, რომელიც შეიძლება ერთადერთია მთელს დედამიწაზე...

რამდენიმე წლის წინათ, ტურისტების ჯგუფთან ერთად კოლის ნახევარკუნძულზე ვიმოგზაურე. ეს ჯგუფი სხვადასხვა ინსტიტუტის სტუდენტებისაგან შედგა. ყველა მათგანი კარგი სპორტსმენი და ბუნების დიდი მოყვარე იყო.

ჩვენ მეგობრული, შეხმატკბილებული ჯგუფი გვქონდა, მაგრამ ერთ რამეში ვერ მოვრიგდით: ზოგი ჩვენგანი ნადირობის ტრფიალი იყო, ზოგი კი — მხოლოდ თევზაობისა. ამიტომ, სამოგზაურო მარშრუტის არჩევის დროს, ყოველთვის დავა იმართებოდა: ერთნი წულისკენ მიიწევდნენ, მეორენი კი იქით, სადაც ბევრი ფრინველი და ნადირი იყო.

ერთმა ჩვენგანმა, რომელსაც მეთევზეებისა და მონადირეების შერიგება სურდა, წინადადება წამოაყენა:

— მეგობრებო, მოდიტ, ზღვის ნაპირს გავყვით... ასეც მოვიქეცით.

მურმანსკიდან ზღვის ნაპირით გავემართეთ. ჩვენი მიზანი კოლის კუნძულის მთლიანად შემოვლა იყო. მეთევზეებისათვის მსუბუქი დასაშლელი ნავი გვქონდა, რომელიც მონადირეებსაც გვადგებოდა ხოლმე.

ზაფხული ტუნდრაში — მოსკოვის მიდამოებში რომ გაზაფხული იცის, იმგვარია. თოვლი ჩქარა დნება, ყველგან ნაკადული მოჩუხჩუხებს, კამკამებს გუბებში ჩამდგარი გაზაფხულის წყალი და რეზინის ჩექმის გარეშე ნაბიჯსაც ვერ გადადგამ. ამიტომ გზის დიდი ნაწილის გავლა ნავით მოგვიხდა.

ტუნდრაში ზაფხულის დასაწყისი მშვენიერი დროა, მხიარულად ჩხრიალებს წყალი და უკანასკნელ თოვლს აქრობს. ბექობებზე პირველი ყვავილები იშლებიან, იხვების გრძელი ქარავნები ტბების თავზე მიემართებიან, ცივ ნაკადულებში კი თევზი დგაფუნობს. აქ ყველაფერი უხვადაა — სანადიროც და სათევზაოც. მხოლოდ ერთი რამ იყო ცუდი: უამრავი, ერთიბენწო, გულისგამწყალბელი კოლო-ბუზები, რომლებიც დილიდან საღამომდე ვეხეოდნენ და მოსვენებას არ გვაძლევდნენ. ასე გასინჯეთ, პირის გაღებაც კი არ შეგვიძლო. დავჯდებოდით თუ არა ჩაის დასალევად, ეს საძაგელი მწერები უმალვე ჩაიში აღმოჩნდებოდნენ. მათგან თავის დახსნის ერთადერთი საშუალება არსებობდა — ზღვასთან ახლოს ყოფნა, რადგან იქ გამუდმებით ჰქროდა ნესტიანი სიო. ამიტომ ჩვენ ყოველთვის ზედ ზღვის პირას ვბანაკდებოდით. თუ ნაპირის შორი-ახლოს რომელიმე პატარა კუნძულზე მოვეწყობოდით, ეს ხომ მთლად უკეთესი იყო.

ერთ საღამოს საკმაოდ მოზრდილ კუნძულზე მოვხვდით, მის სახელს ჯერჯერობით არ გეტყვით. ამ კუნძულს ხმელეთიდან არც თუ ისე განიერი სრუტე ჰყოფს. იქ რამდენიმე რუ და პატარა ტბაა.

ზაფხულობით ტუნდრაზე დილა და. საღამო, ღამე და დღე — ძალზე პირობითი ცნებებია. მზე მთელი ოცდაოთხი საათის განმავლობაში დაეხეტება ცაზე და ერთი საათითაც არ ტოვებს მას.

ძალზე დალილები ვიყავით და ტბის შორიახლო კარვის გაშლა და ცეცხლის გაჩაღება დავაჩქარეთ. მოვალეობანი ზუსტად გვქონდა განაწილებული. ვიდრე სამი ჩვენგანი კარავს დგამდა, დანარჩენები კოცონისათვის ფიჩხს აგროვებდნენ, თევზს ასუფთავებდნენ და იხვებს შიგნავდნენ. ეს იყო „სამზარეულოს ჯგუფი“. რომელსაც იმ საღამოს მორიგე მზარეული — სამთო ინსტიტუტის სტუდენტი, მხიარული და ცოცხალი ქაბუკი, უენია

ზაიცევი მეთაურობდა. მან ორ დიდ ვედროს წამოავლო ხელი და ტბაზე წყლის მოსატანად გაქანდა.

მებსა და პლასტმასის თევზებში იგი სწრაფად და მოქნილად ასხამდა თევზის წვეს, თან თითოეულს სქელ ნაქერ პურს აძლევდა. თევზის წვენს მადის მომგვრელი სუნი ასდიოდა. ჩვენს ჯამებში ცხიმის ოქროსფერი რგოლები დაცურავდა. სული მიგვედიოდა, ვიდრე წვენი ოდნავ გაგრილდებოდა... კოვზებს ყველამ ერთად ვტაცეთ ხელი, წვენი შევხვრიბეთ და ერთბაშად სულისშემსუთველი ხველება აგვიტყდა: თევზის სუპი სიმლამისაგან მთლად გამწარებულიყო.

მძიმე სიჩუმე ჩამოვარდა. ყველანი უენიას მივჩერებოდით. ხელმოცარულმა მზარეულმა კი ჩვენს მზერას ვერ გაუძლო. ნელნელა კოცონისკენ იხევდა.

— უენია, — განსაკუთრებული აღერსით თქვა პავლიკ გოროხოვმა, — ჩვენი უმარილოდ დატოვება გადაწყვიტე? შენ, ალბათ. წვენში მარილის მთელი მარაგი ჩაჰყარე. როგორღა უნდა განვაგრძოთ მოგზაურობა?

უენია ზაიცევს უკანდასახევი გზა აღარ ჰქონდა. კოცონის ალი ზურგს უწვავდა. ხელები გაასავსავა და ვედრების კილოთი თქვა:

— ძმებო, წვენისათვის მარილი არ მიქნია! ნახეთ, მარილი ხელუხლებელია...

— მეც ამას ვამბობ, რომ შენ სრულიადაც არ ხარ დამნაშავე, — დაცინვით თქვა რომელიღაც ჩვენმა მეთევზემ, — უთუოდ ჩვენ დავიჭირეთ მარილიანი თევზი. შეიძლება ნანადირევიც მლაშე შეგხვდა!

უენიამ სწრაფად მოხადა თავი მეორე ქვაბს, რომელშიაც იხვის ხორცის ფეტვის ფაფა იხარშებოდა. კოვზით ნახარში ამოიღო და შიშით შეხვრიბა. პირი დაეთუთქა, მაგრამ სახეზე ბედნიერების ღიმილი აუთამაშდა.

— ძმებო, ყველაფერი რიგზეა! — მხიარულად დაიყვირა მან. — დავიფიწყეთ ეს დაწყევლილი თევზის წვენი, სამაგიეროდ მოხაკაუთი გამოვიდა ისეთი, რომ თითებს ჩაიკვნეთ.

მალე ჩვენი კოცონი მხიარულად აგიზგიზდა. ცეცხლის ენები თუჯის სამ დიდ ქვაბს გვერდებს ულოკავდა. ჩვენი სადილი ყოველთვის სამი კერძისაგან შედგებოდა: პირველი — თევზის წვენი, მეორე — ფაფა ნანადირევით ან ხორცით. მესამე ქვაბში კი — ყოველთვის ჩაი გვედგა.

სადილის მოლოდინში კოცონთან მოხერხებულად მოვეწყეთ და მზარეულს ვაჩქარებდით. უენია მხიარულად ხუმრობდა, ხელში მზარეულის ვეებერთელა კოვზი ეჭირა და ქვაბებს ცეკვით უვლიდა გარს. ბოლოს მან ზეიმით განაცხადა:

— სადილი მზადაა, გაიცემა „ცოცხალი რიგით“, დედქო!

ყოველი მხრიდან მისკენ გამოწვილ ალუმინის ჯა-



— დავივიწყოთ?! — პირქუშად შეეკითხა პავლიკი. — არა, ჩვენ ამას ვერ დავივიწყებთ, მლაშე წვნიანისათვის მშვენიერ ტბაში ჩაგახრჩობთ. მაგრამ ნუ გეშინია, ახლა არა, ჯერ მეორეს მივირთმევთ და ჩაისაც დავაყოლებთ...

გამგებლებული ვიყავით. ფეტვისა და იხვის კერძი ნამდვილად დიდებული გვეჩვენა. მარტო კოვზების ჯამებზე ფხაჭუნის ხმა-ლა ისმოდა. ყველანი მადიანად ვილუკებოდით. უცებ უენიამ თავი მალა ასწია და გაუწყდავად იკითხა:

— კი, მაგრამ, მაინც რად იყო თევზის წვენი მლაშე? და როცა მას არავინ გამოეხმაურა, ჭამა განაგრძო.

— ახლა კი შეიძლება ჩაი მივირთვათ! — გაბედულად მიიწვია მან ყველანი, როცა ჯამები დააცარიელეს.

— სულერთია, მაინც დაგახრჩობთ, — ტოლჩის მიწოდებისას დამეუქრა პავლიკი, მაგრამ ახლა მის ხმაში უწინდელი მძვინვარება აღარ ისმოდა.

მე ჩემთვის ჩავაგდე, სიამოვნებით მოვსვი და... ცოტა დამაკლდა ჭიქა მიწას არ დავახალე! — ეს ჩაი კი არა, რაღაც ენით გამოუთქმელი, გულისამრევი, მომწარომოტკბილო სალაფავი იყო.

ვიდრე გონს მოვიდოდით, უენია მოსწყდა კოცონს და თავქუდმოგლეჯილი გაიქცა. შორიდან მისი საწყალობელი გოდება-ლა ისმოდა:

— პატოსნებას გეფიცებით, დამნაშავე არა ვარ. — ჩემი ბრალი არ არის! ტბაა ასეთი... მარილიანი...

— არაფერი არ მესმის, — მხრების აწევით თქვა პავლიკ გოროხოვმა და ყველანი საეჭვოდ შეგვათვალიერა. — ჩაისაც ხომ მარილს არ უშამდა... იქნებ, რომელიმე თქვენგანმა იხუმრა?!

ჩვენ ყველამ დავიფიცეთ, რომ არავის არც თევზის წვენში და არც ჩაიში მარილი არ ჩაგვიყრია.

— იქნებ, მართლაც ტბის წყალია მარილიანი? — ვთქვი მე, — მოდი, შევამოწმოთ.

ვედროდან წყალი ამოვიღე და შიშით მოვსვი. სრულიად მტკნარი, სუფთა და გემრიელი წყალი იყო.

მომდევნო დღემ ახალი თავსატეხი გაგვიჩინა. დილიდანვე კუნძულზე გავიფანტეთ. მეთევზეები ანკესებით წავიდნენ ტბაზე. ჩვენ კი — მონადირეები კუნძულის შუაგულსაკენ დავიძარბეთ. თან ისე მრისხანედ გვექნადა თოფები მომარჯვებული, თითქოს სულ ცოტა, ცოცხალ მამონტს მაინც შევხვდებოდით. საქციელწამსდარმა უენიამ ამჯერად თევზაობისადმი ტრფიალი ნადირობაზე შეცვალა და ჩვენთან წამოვიდა.

რა თქმა'უნდა, მამონტს არ შევხვედრივართ, მაგრამ რამდენიმე იხვი კი მოვკალით და ბორცვზე ერთი წამით გამოჩენილ მელასაც კინადამ სული გავაფრთხოვინეთ.

ერთბაშად ტბიდან რაღაც ყვირილი მოგვესმა. ერთმანეთს გაკვირვებით გადავხედეთ და ტბისკენ მოვქუსლეთ.

მეთევზეები პავლიკ გოროხოვის ირგვლივ შეჯგუფულდნენ და რაღაცაზე ხმამალა დაობდნენ. პავლიკი ხელისგულზე მათი დავის მიზეზი — ხალეზიანი, მომცრო თევზი ელა.

— მე ვამბობ, რომ ეს ვირთევზაა! — ანკესის ქნევით გაჭყორღა პავლიკი. — ნამდვილი, ნამდვილი ვირთევზაა! ეს მე მკითხეთ...

— კი, მაგრამ, აქ რა უნდა ვირთევზას?! — მიუგეს მას, — ტბა ხომ მტკნარია, ვირთევზა კი — ზღვის ბინადარი — როგორ შეიძლება აქ მოხვედრილიყო? მას ხომ მტკნარ წყალში სიცოცხლე არ შეუძლია.

პავლიკმა ანკესი გვერდზე მიაგდო და კვლავ ყურადღებით დაუწყო თვალიერება ნანადირევს.

— თქვენ რაც გინდათ ისა თქვით, ეს კი ნამდვილი ვირთევზაა! — ჯიუტტური დაუინებით თქვა მან და შემდეგ განაგრძო, — აი, ხალეზი! აი, წვერიც ქვედა ყბაზე!..

— ვხედავთ, მაგრამ ვირთევზას ხომ მტკნარ წყალში ცხოვრება არ შეუძლია.

— გამოდის, რომ მე ვირთევზას ახალი სახე აღმოვაჩინე, — დაუინებით გაიძახოდა პავლიკი, — და ასეც დავარქმევთ მას: მტკნარი წყლის ვირთევზა.

— პავლიკ გოროხოვის სახელობისა! — მზაკვრულად დავუმატე მე.

— მოიცათ! — გაშმაგებით წამოიყვირა უცებ უენიამ, — ანკესი წყალში ღრმად ჩაუშვი?!

პავლიკმა მას დაფიქრებით შეხედა და უთხრა:

— ასე, ათ მეტრზე. ტივტივაც კი სპეციალურად გადავადგილე. მომტულდა სულ ერთნაირი თევზის ჭერა და ვიფიქრე, ანკესს ღრმად ჩავუშვებ-მეთქი.

— მაშასადამე, ტბაში წყალი მტკნარიც არის და მარილიანიც. გაიგეთ? — გახარებით თქვა უენიამ და განაგრძო, — ჩემი ბრალი არ არის, ჩაი რომ მარილიანი იყო. ახლა მომაგონდა! გუშინ, პირველი ვედრო უფრო ღრმად ჩავუშვი — ვიფიქრე, სიღრმეში წყალი უფრო სუფთა იქნებოდა. ხოლო მერე ავჩქარდი, მეორე ვედროში წყალი იქვე ტბის ზედაპირიდან ავიღე; და აი, რა გამოვიდა: ერთ ვედროში ტბის სიღრმიდან ამოღებული წყალი მლაშე, მარილიანი აღმოჩნდა, ხოლო მეორე ვედროში კი — მტკნარი. ახლავე შევამოწმებ...

იგი ბანაკში გაიქცა და იმ წამსვე ვედროები მოარბენინა. დავიწყეთ ვედროების ტბაში ჩაშვება. უენია მართალი აღმოჩნდა: საკმარისი იყო ტბაში ვედრო ღრმად ჩაგვეყურყუმელავებია, რომ იგი მომწარო, მარილიანი ზღვის წყლით ივსებოდა, მაშინ, როცა ტბის ზედაპირის წყალი სრულიად მტკნარი იყო.

— მაშასადამე, ასეც არის, — თქვა პავლიკმა, — ტბა-





საგან ალუბლისფრად შეღებილი წყლის ფენა. ხოლო კიდევ უფრო ღრმად, თვით ტბის ძირზე, გაოგირდიანი წყალბადით გაუღენთილი წყალია, სადაც სიცოცხლის არავითარი ნიშანწყალი არ არის...

პროფესორმა გვიამბო, რომ ეს ტბა უძველეს პალეოგრაფიულ პირობებში შექმნილ ტბათა საინტერესო ნაშთს ეკუთვნის უწინ აქ ზღვა იყო. შემდეგ მისმა ფსკერმა ამოიწია, ამოიბურცა და შეიქმნა კუნძული. ხოლო ზღვის მლაშე წყლით გავსებული ღრმა ხევი ტბად გადაიქცა. ზღვის ბინადარი — ვირთევზა კი ამ ტბის ტყვე გახდა. დროთა განმავლობაში გამდნარმა თოვლის წყალმა ტბის წყლის ზედა ფენა გაამტკნარა, რის გამოც ვირთევზა სიღრმეში წავიდა. ასეთ არაჩვეულებრივ პირობებში ტბის ტყვემ ცხოვრების სახიანათი შეიცვალა და უფრო მეტიც — შეიცვალა სხეულის ფორმაც: უფრო პატარა გახდა, ვიდრე მისი მშობლები, რომლებიც ზღვაში ცხოვრობენ. უკვე ასეული წელია, ვირთევზა ტბის სიღრმეში ცხოვრობს. ზევით ამოსვლას მტკნარი წყალი უშლის.

— რაც შეეხება მიწისქვეშა არხს, — დასძინა პროფესორმა, — თქვენ თითქმის მიხვდით! ტბა დაკავშირებულია ზღვასთან. ზღუდე, რომელიც ტბას ზღვიდან ჰყოფს, ქვიშისა და წვრილი კენჭებისაგან შედგება, რომელშიაც მოქცევის დროს ზღვის წყალი მიჟონავს. ახე რომ, ტბის სიღრმეში მარილიანი წყალი სისტემატურად ახლდება. სხვა შემთხვევაში მარილიანი წყლის ფენის ბინადარი დიდი ხნის წინად დაიღუპებოდნენ, ხოლო წყალს რომ გაჰყვენენ, არ შეუძლიათ: ქვიშა-კენჭის ფილტრი არ გაატარებს...

ჩვენ პროფესორს მადლობა გადავუხადეთ; მე სახსოვრად ჩრდილოეთის ტბის ხალებიანი ვირთევზას ფიტული ვთხოვე. იცით თუ არა თქვენ, მეგობრებო, რას ეძახიან ამ საოცარ ტბას და სად არის იგი? ესაა ტბა მოვილნოე — კუნძულ კილინზე.

თარგმნა შალვა ლოლობერიძემ.



ში წყლის ფენა: ქვევით უფრო მძიმე — ზღვისა, სადაც ვირთევზა ცხოვრობს, და ზევით — მსუბუქი, მტკნარი წყალი. ასეთი შემთხვევები არის. მაგრამ ზღვის წყალი როგორღა მოხვდა ტბაში?

ჩვენ ნაპირს გავყევით და ტბას ირგვლივ შემოვუარეთ. იგი სრულიად ჩაკეტილი იყო. ზღვისაგან სამოცმეტრისანი ქვიანი მიწის ზოლი ჰყოფდა.

— შეიძლება, იქ, მიწის ქვეშ არხია, — ვარაუდით თქვა უენიამ და თვალები გაუბრწყინდა. — აი, რომ გამოგვეკვლია!

კუნძულზე კიდევ ერთ დღეს დავყავით და საიდუმლოებით მოცულ ტბის სიღრმეში მრავალი ვირთევზა დავიჭირეთ, მაგრამ მიწისქვეშა არხის ვერავითარი კვალი ვერ აღმოვაჩინეთ.

ამ პატარა ტბის საიდუმლო გამოცანა ჩვენ მურმანსკოი გავიგეთ, როცა ჩვენს მიერ დაჭერილი პატარა თევზები დიდი ქილით მივიტანეთ პოლარულ ოკეანოგრაფიის ინსტიტუტში. ჰალარა პროფესორ-ინსტიტუტმა ჩვენი მოთხრობა მოისმინა და გაიღიმა.

— თქვენ, ჩემო მეგობრებო, — თქვა მან, — ნამდვილად არაჩვეულებრივი ტბა გინახავთ, რომლითაც მეცნიერები დიდი ხანია დაინტერესებულნი არიან. ამ ტბაში წყლის მარტო ორი სხვადასხვა ფენა როდია, არამედ ხუთი. ყველაზე ზედა ფენა მტკნარია, და მასში ისეთივე თევზები ცხოვრობენ, როგორც ჩვეულებრივ ტბაში. შემდეგ მოდის მომლაშო წყლის ფენა, კიდევ უფრო ქვევით — მწარე-მარილიანი, სადაც თქვენ ეს ვირთევზა დაიჭირეთ; მის ქვევით კი განსაკუთრებული ბაქტერიები-

ნ. ნულისკირი

ფოტო

დ. იაკობაშვილისა



დილაადრიან დააკაუნა ვილაცამ კარზე. დედამ სასწრაფოდ ჩაიცვა და აღელვებული წავიდა. მერე მამაც მიპყვა... ნახევრადმძინარე ჟანა ლოგინზე წაპოჯდა.

ოთახში სიწყნარე სუფევდა. არც მეორე ოთახში ჩანდა ვინმე. „წასულან“, დაასვენა ჟანამ და ფიცხლად წამოხტა. ალბათ ძალიან ცუდათაა ბაბუა. გუშინაც მთელი ღღე იქ იყო დედა, გუშინწინაც.

ასე გაგრძელდა ერთ თვეს. დედას ოჯახისთვის აღარ ეცალა, ავადმყოფ მამას ადგა თავს. დარჩა ოჯახი ჟანას. დიასახლისად იგრძნო თავი. ჯარასავით დატრიალდა, ოთახი მიალაგა, იატაკი დაასუფთავა, ქურქელი აახშიანა და, მერე რომ მიიხედ-მოიხედა, მის სიხარულს საზღვარი აღარ ჰქონდა: ყველაფერი ისე გამოიყურებოდა, თითქოს დედის ხელი მოხვედრიყო.

იატაკს კრიალი გაჰქონდა, თაროზე დარეცხილი თევშები ქათქათებდნენ, ნავთქურაზე ჩაიდანი შიშინებდა. ახლა კი კმაყოფილი მიუჯდა ჟანა წიგნებს. უხაროდა, რომ ოჯახს ხელი შეაშველა. ამიტომაც, შრომის შემდეგ სწავლაც უფრო ხალისიანი ეჩვენა.

ეს ღღეც გავიდა. მეორეც, მესამეც. დედამ უფრო მოიცალა ოჯახისათვის, შვილისათვის. მაგრამ შრომის ჩვევა უკვე მშობლიური გახდა ჟანასათვის. მეზობლები „პატარა დიასახლისს“ უსაქმოდ ვერ ხედავდნენ. დედაც კმაყოფილებით შეჰყურებდა გოგონას. იმ ღღეს იხსენებდა, ერთხელ რომ დატუქსა ჟანა, იატაკი რად

მორეცხე, შენ წიგნებს მიხედე, მხოლოდ ეგ არის შენი საქმეო. „კი, მაგრამ, მეგონა შენ გაგეხარდებოდაო“, — აბუზღუნდა ჟანა. მაშინ იგი მეორე კლასში იყო.

ღღეს, ჟანა ოჩიგავა მე-ნ საშუალო სკოლის მეექვსე-კლასელი სანიმუშო მოსწავლეა. „შრომშიც პირველობა, სწავლაშიაც პირველობა“. ასეთია ჟანას გადაწყვეტილება.

ჟანას ხშირად ნახავთ სკოლის პიონერთა ოთახში, მოცეკვავეთა გუნდის მეცადინეობაზე, მათემატიკური წრის სხდომებზე. ყველგან აქტიურობს იგი. ტოლ-ამხანაგებიც ცდილობენ მიჰბადონ მარჯვე მეგობარს.

აი; ღღესაც ღღე-მამას ელოდა ჟანა. საღამო ჟამს ორივე სამსახურიდან დაბრუნდა და ესიამოვნათ დაკრიალებული ოთახი, დალაგებული საწერი მაგიდა, თბილი სადილი.

ბოლო დროს ხელსაქმესაც მიჰყო გოგონამ ხელი. პირველად პატარა მზიას თოჯინას შეუქერა კაბა, მერე ნახმარი კაბა სარაფანად გადაიკეთა, ნელ-ნელა აჩვენეს კრა-კერვას ხელს. ამ საქმეში დედაც ეხმარება მუყაით შვილს.

ასეთია ჟანა: ბეჯითი, გამგონე, შინ და გარეთ მოწინავე.

ჟანა სულაც არ იცნობს ამირან მაკარაშვილს, მაგრამ ორივე საოცრად ჰგავს ერთმანეთს. აბა, ნახეთ, თუ არა.

ამირანი თბილისის მე-12 საშუალო სკოლის მე-5 კლასში სწავლობს. ისიც სამაგალითო მოსწავლე და პიონერია. ზრდილობიანი, წესიერი, პიონერული შეკრების, კედლის გაზეთების, ყოველგვარი საზეიმო სასაღამოების გამაცოცხლებელი. იგი ხომ ლექსებს წერს და ხშირად კითხულობს სკოლის სცენაზე, ათავსებს კიდევ კედლის გაზეთში.

ასეთია ამირანი სკოლაში. სახლში კი, გაკვეთილების დამზადების შემდეგ, გამოცდილ მეურნესავით გამოიტანს თოხს, ან ბარს და სახლის წინ პატარა ბაღა რომ აქვს, იქ ტრიალებს, ფარვანასავით თავს ევლება ნარგავებს: ბარავს, თოხნის, რწყავს, სხლავს. ეს ბაღა ამირანის მოშენებულია. მშვენიერია იგი ზაფხულობით: მწვანით შემოსილი, აყვავებული. კმაყოფილი ამირანი ყოველ დილით ათვალერებს ნარგავებს, რაიმე ხომ არ უჭირთო. ფრთხილობს, ნაყოფმა ტოტი არ ჩამოტეხოს ნამყენს, ჭიანჭველა არ დაეხვიოს ნარგავს. საქმეს არ გადადებს, მაშინვე შეუდგება, ამიტომაც ასეთი კობტა და ლამაზი ბაღი აქვს ამირანს.

უსაქმოდ ყოფნა არ შეუძლია ამირანს, იგი ან მეცადინეობს, ანდა რაიმეს აკეთებს. განსაკუთრებით ფეხსაცმელების შეკეთება ეხერხება. ზის და გულმოდგინედ აკერებს, აჭედებს, ჭიმავს, ერთი სიტყვით ყველაფერი გამოუდის ხელიდან.

მამა ადრე გარდაეცვალა ამირანს. ოჯახს პენსია აქვს დანიშნული, მაგრამ მზრუნველი დედა მაინც გადის სამუშაოდ. ამ ბოლო დროს ბიჭებიც წამოეზარდნენ, დედას წამოეშველნენ და ახლა რაღა უჭირთ. ამირანმა და მისმა უფროსმა ძმამ თავისი ხელით მიაშენეს სახლს ერთი პატარა ოთახი; ამ ოთახს „ამირანის




ამირანი ზოგი ბიჭივით ქალის საქმეს როდი თაკილობს. როცა საჭიროა სადილსაც უმზადებს ოჯახს.

ოთახს“ ეძახიან, რადგან იქ მეცადინეობს. რამდენი შრომა დახარჯა ბიჭმა მის აშენებაში, თავისი ხელით შელესა, გაალამაზა. მართალია, უფროსი ძმა თავზე ადგა, მაგრამ მერე რა? ჯერ კიდევ პატარაა ამირანი, რომ გაიზრდება, არავინ არ დაჭირდება, უფრო დიდ სახლებს ააშენებს, უფრო კარგებს და ლამაზებს.

ამირანი არც ქალის საქმეს თაკილობს. ზოგი ბიჭივით ნემსი და ძაფი არ ეუცხოება.

ის კი არა, ერთხელ. დედა რომ სხვაგან წავიდა — „ზოდი კერძს დავამზადებ და ძმას დავახვედრებო“ — გაუელვა თავში ამირანს, გამოიტანა კარტოფილი, ჯამი, დანა და შეუდგა საქმიანობას.

უეცრად ჭიშკარი გაიღო და მეზობლიანთ გიგა შე-



ამირანი ფარვანასავით თავს ევლება საკუთარი ხელით გაშენებულ ხეხილსა და ვაზს: ბა-



უფროს ძმასთან ერთად მიაშენა ამირანმა სახლს პატარა ოთახი; ცოტა შრომა როდი დაეხარჯა მის გალესვა-გალამაზებაში.


ევროპის გარშემო ჩვენი — საბჭოთა ტურისტების მოგზაურობის პირველი შთაბეჭდილებანი ფინეთს ეკუთვნის.

15 ივნისს ლენინგრადიდან ბალტიის ზღვაში გავიდა გემი — „გრუზია“, მეორე დღეს ფინეთის სიახლოვე გვამცნეს თოლიებმა.

მშვენიერი დილა დადგა. „გრუზიაზე“ მშობლიური ჰიმნი გაისმა. მას შეუერთდა ჰელსინკის ნავსადგურში ჩვენს შესახვედრად გამოსულ ფინელ მეგობართა ოვაციები. ფინელები ცოცხალი ყვავილებითა და ჩვენთვის საგანგებოდ დამზადებული ლამაზი სამკერდე ნიშნებით შეგვხვდნენ. ჩვენს შესახვედრად ფინელი ბავშვებიც გამოსულიყვნენ. ისინი ალტაცებით შემოგვცქეროდნენ, როცა გულზე საფესტივალო სამკერდე ნიშნებს ვაბნევდით. მათ თავაზიანად ჩამოგვართვეს აგრეთვე საფესტივალო ღია ბარათებიც.

იმ დღესვე შევუდექით ჰელსინკის დათვალიერებას. ფინეთის ამ ლამაზი დედაქალაქის შესახებ ბევრი რამის მოყოლა შეიძლება. საინტერესოა ეს ფაქტი: ფინეთის მოწინავე ადამიანები მუდამ ამყობენ, რომ მათმა დედაქალაქმა მნიშვნელოვანი როლი ითამაშა საბჭოთა კავშირის დიდ ადამიანთა ცხოვრებაში. მეფის მთავრობის რეპრესიების დროს ჰელსინკში ჰპოვეს თავშესაფარი მსოფლიო პროლეტარიატის დიდმა ბელადმა ვ. ი. ლენინმა და გამოჩენილმა რუსმა მწერალმა მაქსიმ გორკიმ.

მეტად თავისებური ქალაქია ჰელსინკი. იგი სამი მხრიდან ზღვით არის გარშემორტყმული. მეოთხე მხრიდან შემოჭრილი ტყე კი თანდათანობით გადადის ბალში. ამ კლდოვან, მაგრამ ამავე დროს მწვანე ქალაქს, თავისებურ სილამაზეს აძლევს წიწვნარი. ჰელსინკი დიდი გემოვნებით არის გამწვანებული. აქ უამრავი სხვა-



ფინეთის ნაციონალური მუზეუმი ჰელსინკში

მოვარდა ველოსიპედზე წამოსკუპული. ამირანს აბეზარა გიგას გამოჩენა არ მოეწონა, მაგრამ წარბი შეიკრა და დაბეჯითებით განაგრძო კარტოფილის თლა.

— დიასახლისს გაუმარჯოს! — შესძახა გიგამ დამცინავად.

— გაგიმარჯოს! — კუმტაუ მიუგო ამირანმა.

— წამოდი, ველოსიპედით გავისეირნოთ.


— არა მცალია!

— აბა, მაშ, ქვაბს მიხედე, ხახვი არ დაგეწვას! — თქვა გიგამ, შემოატრიალა ველოსიპედი და ქუჩაში გავარდა.

ეწყინა ამირანს გიგას სიტყვა, მაგრამ წარბიც არ შეიხარა. კაცს ხელიდან ყველაფერი უნდა გამოუვიდესო, და ნავთქურაზე შემომდგარ ქვაბს ახლა კარტოფილი ჩაატრა.

* * *

გაივლის წლები... დაიზრდებიან ისინი. ცხოვრების დიდ გზას გაჰყვებიან და, დამოუკიდებელ ცხოვრებას რომ დაიწყებენ, კმაყოფილებით გაიხსენებენ ამ დღეებს: მათ ხომ სკოლის მერხიდან, სწავლასთან ერთად შეისისხლხორცეს დიადი შრომა.



ფინეთის ნაციონალური თეატრი ჰელსინკში.

დასხვა ფერის ყვავილი ერთმანეთშია არეული. მაგრამ მათი განლაგება სრულ პარმონიაშია ქალაქის ნაგებობათა არქიტექტურასთან. ჰელსინკის ჰაერი წითელი და თეთრი იასამნის სურნელებითაა მუდამ გაფლენილი... ჰელსინკელები ამაყობენ თავიანთი ქალაქით. არაჩვეულებრივად სუფთა ქუჩებში მცირე მტვერსაც კი ვერ შენიშნავენ.

ორი დღე ვათვალისწინებდი ჰელსინკს. ვნახეთ პარლამენტის მდიდრული შენობა. მისი დარბაზების კერი და იატაკი იტალიური, გერმანული და შვედური მარმარილოთია მოპირკეთებული. დავათვალისწინებდი უნივერსიტეტი, სადაც ათი ათასამდე სტუდენტი სწავლობს.

მძიმე შთაბეჭდილება მოახდინა ჩვენზე უნივერსიტეტის წინ, სენატის მოედანზე დადგმული ძეგლის კომპოზიციამ. მთელი ტანით ამართულ ალექსანდრე III-ის ხელში ხმალი უპყრია, მის ფერხთით კი, კვარცხლბეკზე, მშრომელთა ფიგურებია. მათ ხელში ცული, ნამგალი, დაკრეფილი ხილი და პურის თავთავები უჭირავთ. ეს ქანდაკება საბჭოთა ტურისტებს თვითმპყრობელობის სიმბოლოდ გვეჩვენა. მაგრამ, სამაგიეროდ, ქალაქის ცენტრში აღმართულმა სამი მჭედლის ქანდაკებამ ჩვენი მოწონება დაიმსახურა: იგი მშრომელებისადმი ფინელი ხალხის სიყვარულს გამოხატავს.

ფინელ ხალხს უყვარს თავისი კულტურა, ლიტერატურა და ხელოვნება. ამ სიყვარულზე მატერიალური ძეგლებიც მეტყველებენ. ნაციონალური თეატრის წინ ცნობილი ფინელი მწერლის — ალექსირივის ძეგლია ამართული. ქალაქგარეთ კი ჩვენი ყურადღება მიიპყრო პა-

ტარა, უპრეტენზიო ქანდაკებამ: ესაა ქვაში შთაგოხებით გამოკვეთილი ქალი. იგი მე-18 საუკუნის სახალხო მთქმელი და ხალხურ ნაწარმოებთა შემკრები ლარი პარასკესია. ფინელები ამაყობენ თავიანთი ეპოსით, ამ ეპოსის ღრმა ჰუმანიზმით, საგმირო და პატრიოტული



ფინელი გოგონა.



გ. ჭიჭინაძე

ნახატები გ. თოთიბაძისა

მუხრან-ბატონი და გოგრის პატრონი

მუხრან-ბატონის ყმამ გოგრა და-
თესა თავის კარმიდამოზე. გვალვიანი
ზაფხული იყო და ერთი ძირის გარ-
და თითქმის ყველა გადახმა. ის ერ-
თი ძირიც, თითქოს პატრონის დასა-
ცინად, ღობე-ყორეზე ამძვრალიყო და
ნაყოფი სწორედ ბატონის ნაკვეთზე
გამოეზა.

გლეხი პირველ ხანებში ამას არა-
ფრად აგდებდა. გოგრა ბევრი მითე-
სია, აბა, ღმერთი ისე როგორ გამი-
წყრება, რომ მაგ უბედური გოგრის
იმედად დამტოვებსო, — ამბობდა იგი.
მაგრამ ღარიბ-ღატაკს, როგორც მო-
გეხსენებათ, ღმერთი არასოდეს არ
წყალობდა და გლეხიც ულუკმაპუ-
როდ დასვა. შთელი ნათესი გოგრა
სულ გადაუხზო, ის ერთი ძირი კი,
რომელიც ბატონის ნაკვეთზე გადა-
სულიყო, ისე უცნაურად გაიზარდა
და გაიბერა, რომ გლეხი დაცინვით
იტყოდა ხოლმე:

«მუხრან-ბატონს უნდა მივართვა
ძღვნად, ძმებივით ჰგვანან ერთმანეთ-
საო».

მაგრამ, სანამ გლეხი ამ ხუმრობას
საქმედ აქცევდა, მუხრან-ბატონმა
თვითონ შეამჩნია ღობეზე კობტად
გადმოკიდებული ვეება გოგრა და ში-

ნაყმებს უბრძანა: მოეწყვიტათ იგი და
ნასადილევს მიერთმიათ მისთვის.

— ბატონო, ეგ გოგრა სიკოსია,
ღობეზე გადმოსულა. თქვენს ბაღებ-
ში ორჯერ მაგაზე მსხვილი გოგრები
ხარობს, სიკოს კი მაგის მეტი არა
გააჩნია რა! — სცადეს შინაყმებმა ბა-
ტონის გულის მოღობა. მაგრამ მუ-
ხრან-ბატონმა ერთი ისეთი დაიქუხა,
რომ გოგრა თავისთავად მოწყდა ბარ-
დის ღეროს.

— ადექი, უბედურო, და გააგები-
ნე იმ კაცს, რომ ეგ გოგრა ჩვენი და-
თესილია, ჩვენს ნაკვეთზე იხარა.
სთხოვე უკან დაგიბრუნოს, ხომ ხე-
დავ ბაღლები როგორ გიტირიან ში-
მშილით! — უთხრა ცოლმა სიკოს.

— ბატონო, შენი სახელის ჭირიმე,
ნუ გამირისხდები, აგრემც ღმერთი
შეგეწევა, ეგ გოგრა ჩემია და დამი-
ბრუნე, — შეევედრა გლეხი ბატონს.

მუხრან-ბატონი ამ დროს აივანზე
ვაზის ჩრდილში წამოწოლილიყო,
გვერდით მამაო-წმიდა-კარის მღვ-
დელი ეჯდა და სადილობის მოლო-
დინში სუფთა პაერზე ტკბილად ნე-
ბივრობდა. «ახლა უარს ვერ მეტყვის,
მღვდელიც აქ არისო», — გაიფიქრა
სიკომ.

მუხრან-ბატონმა მარცხენა თვალი
მოჭუტა და მომჩივანს აულუღვებლად
მიმართა:

— სიკო, კაცო, როგორ არა გრცხ-
ვენია, სამართალი არ არის?! ღმერთს
ნუ სცოდავ, გოგრამ თავად მრინდო-
მა ჩემს ბაღში გადმობრძანება, გო-
გრა ჩემია, მორჩა და გათავდა! აი,
თუ გინდა, მამაოც დამემოწმება!

— მართალია, შვილო, გოგრა ბატონს
ეკუთვნის, ეტყობა ცუდად უვლიდი,
წყალი მოაკელი ალბათ, ვერ აიტანა
გვემა შენი, შემოგწყრა და ჩვენ მო-
გვევლინა, საამებლად! — თავის კანტუ-
რით დაუდასტურა მღვდელმა ბატონს.

— ბატონო, ნუ დამლუპავ, ეგ ერ-
თი გოგრა-ლა შემრჩენია! — ცრემლნა-
რევი ხმით შეევედრა გლეხი.

— ხალხნო! — განრისხდა ბატონი, —
უყურეთ ერთი ამ უტვინოსა!

— თვით უსულო გოგრამ შეიგნო
ჭეშმარიტება ბუნების კანონებისა,
რაც დააწესა წმიდა მაცხოვარმა! —
დაუმატა მღვდელმა.

— ამ უჭკუოს კი, — განაგრძო მუხ-
რან-ბატონმა, — ის ვერ შეგავგებინე,
რომ გოგრა ჩემია! ის ახლა თავისი-
ვე სურვილით იხარშება ჩემს ქვაბში
და... ხოლო, რაც შეეხება ჩემს კაცთ-



მოყვარეობას, მე ამ უჭკუოს გოგრის თესლს ვაძლევ ფეშქაშად!

რალას იზამდა უბედური გლეხი. ადგა და წავიდა შინსაკენ. მიხვდა, რომ უსამართლო ბატონთან ვერაფერს გახდებოდა.

გოგრა ძალზე გემრიელი გამოდგა და მეორე დღეს ბატონმა მოსამსახურე ბიჭს იმ გოგრის თესლი გაატანა სიკოსთან: ჩადი და გამიგე, შეიგნო თუ არა იმ რწყილიჭერიამ გუშინდელი ჩემი სიტყვებიო. ბიჭი მალე დაბრუნდა და ბატონს ეშმაკური ღიმილით მოახსენა:

— ბატონო, მე და ჩემმა ღმერთმა, სიკოს საუკეთესოდ შეუგუნია თქვენი გუშინდელი სიტყვების ჭეშმარიტება; ამდგარა და ოჯახიანად გადახიზნულა.

გახევედა მუხრან-ბატონი, გული ბოღმით აევსო, მაგრამ კრინტი არ დაუძრავს. მიხვდა, რომ ჭკუით გლეხმა აჯობა. აბა, გახიზნულ გლეხს სადღა იპოვნინდა? უკან აღარ გამოკიდებია, ხოლო გოგრა ამ დღიდან ზვალის დასანახავად შექმულდა.



* * *

ჯეკი სკოლაში სწირად იგვიანებდა. ზამთრის ერთ სუსნიან დილით კი ისე დაიგვიანა, რომ მასწავლებელმა მიზეზი გამოჭკითხა:

— იცით რა, მასწავლებელო, გზა ისე მოლიბული იყო, რომ რამდენ ნაბიჯსაც წინ გადავდგამდი, იმდენ ორ ნაბიჯს უკან მივსრიალებდი, თავს ველარ ვიმაგრებდი...

— კი, მაგრამ, მაშინ სკოლაში კი არა, სახლში უნდა მისულიყავი! — გაიკვირვა მასწავლებელმა.

— საქმეც იმაშია, რომ შუა გზიდან უკან ვაგბრუნდი და სახლისაკენ მივეშურებოდი.

* * *

— ერთი გირვანქა კარაქი მინდა სწორედ ისეთი, როგორიც გუშინ წავიღე, — უთხრა პატარა ბიჭმა კარაქის გამყიდველს. — დედამ დამაბარა სხვანაირი არ წამოიღო.

— ხომ უყურებთ, როგორ იცნობენ ჩემს პროდუქტებს, — უთხრა გამყიდველმა მალაზიაში შეყრილ სხვა მყიდველებს.

— დიას, — მიუგო ბიჭმა, — დღეს ნათესავებს ველოდებით და მომავალში ისევ რომ არ გვესტუმრონ, დედამ გადაწყვიტა ჩაიზე მათ სწორედ თქვენი კარაქი მიართვას.

ინგლისურიდან თარგმნა
გ. დოლიძე



ღამანშის

გაღაცურვა

„ბრძოლა ღამანშისათვის“ — ასე დაარქვეს უცხოეთის გაზეთებმა ტრადიციულ გაცურვას ღამანშის სრუტეში, რომელიც გასული საუკუნიდან თითქმის ყოველწლიურად ტარდება. იმ ხანად თითქმის მოსათვლელი იყო მამაკები, რომლებიც ბედავდნენ ამ სრუტის გადაცურვას; ახლა კი ყოველწლიურად მას მრავალი მამაკაცი და ქალი სძლევს.

ყველაზე მეტი პოპულარობით სარგებლობს მასიური გადაცურვა, რომელიც შემოდგომაზე იმართება, გაზეთ „დღილი გერალდის“ სპეციალურ პრიზზე. სრუტის სიგანე ყველაზე ვიწრო ადგილას, საფრანგეთისა და ინგლისის ნაპირებს შორის, 82 კილომეტრია. დღევანდელ „წყლის მართონელეებისათვის“ ეს არც თუ ისე დიდი მანძილია, მაგრამ მძლავრი დინება, სოცივე და ცუდი მეტეოროლოგიური პირობები ღამანშის სრუტეს ძალზე ძნელად გადასალახს ხდის. ძალიან სწირად ნაპირთან სულ ახლოს მისული, გამოცდილი და კარგი მომზადებული სპორტსმენებიც კი დინებას ვერ უმკლავდებიან და შეჯიბრს სტოვენენ.

ბოლო ხანებში ამ მართონში სულ უფრო და უფრო მეტი ქალი მონაწილეობს, მაგრამ წლებანდლამდე არც ერთი

თი არ გამხდარა აბსოლუტური ჩემპიონი. ტრადიცია დანიშნა სპორტსმენმა ქალმა გრეტა ანდერსონმა დაარღვია, რომელმაც აგვისტოს თვეში ღამანშის გაცურვის დროს, უკან ჩამოიტოვა ყველა მამაკაცი და პირველი ადგილი დაიკავა. მან 82 კილომეტრი, საფრანგეთის ნაპირებიდან ინგლისამდე, 18 საათსა და 82 წუთში გაცურა. მამაკაცთა შორის გამარჯვებული მას თითქმის ორი საათით ჩამორჩა.

აღნიშნული შეჯიბრი მეტად ძნელ პირობებში მიმდინარეობდა: ზღვა შფოთავდა, წყლის ტემპერატურა დაბალი — 16 გრადუსი იყო, უბერავდა ცივი ქარი, სიცივი სავან თავის დასაცავად გაცურვის წინ, მონაწილეებმა ტანი სპეციალური საცხის სქელი ფენით დაიფარეს. მიუხედავად იმისა, რომ სტარტი ღამის 3 საათზე იქნა მიცემული, ამ წაინტერესო სანახაობის საყურებლად ათასობით ადამიანმა მოიყარა თავი, ბევრი მათგანი კი ნავებით თან გაყვა მოცურავებს.

შეჯიბრის დამთავრებიდან სამი დღის შემდეგ ანდერსონმა განაცხადა: ჩემი შარშანდელი გამარჯვება გრძელ მანძილზე ცურვაში, ღამანშის გაცურვასთან შედარებით, რომლის შემდეგაც მე ჯერ ვერ გავმთბარვარ, „ბავშვური თამაში იყო“.



ფინეთის პეიზაჟი

მოტივებით. ამიტომაც გამოუყვეთიათ სიყვარულით ფინური ეპოსის შემსრულებლისა და დამცველის სახე.

საინტერესოა ქალაქის ერთერთ ცენტრალურ ქუჩაზე მოთავსებული „ბავშვთა სახლი“. ეს შენობა თორმეტსართულიანია. თითოეულ სართულზე ქალების ფიგურები დგას მწკრივად. იგი ალბათ დედობის სიმბოლოდ გაიაზრა ხელოვანმა. ბავშვთა სახლში ისვენებენ და მკურნალობენ ფინელი ბავშვები. მაგრამ, ისიც უნდა აღინიშნოს, რომ აქ მათ უფასოდ როდი მკურნალობენ!

ქალაქის ქუჩებში სიარულის დროს შევნიშნეთ, რომ ევროპული მარკის ავტომანქანების გვერდით ჩვენი, საბჭოთა „პობედები“ და „მოსკვიჩებიც“ დასრიალებდნენ.

გაგვაკვირვა ქუჩაში შემომხვდარმა საქორწილო პროცესიამ. მას წინ თეთრებში ვაპოწყობილი პატარძალი და შავფრაკიანი სიძე მიუძღოდა. უკან კი დაწყვილებულ ქალ-ვაჟთა გრძელი მწკრივი მისდევდა. სულ ბოლოს, კენტად მოდიოდა მღვდელი.

ბუნებრივია, რომ ჩვენს ყურადღებას იქცევდნენ, აგრეთვე, ფინელი ბავშვებიც. მათ ხშირად ვხვდებოდით ქუჩებში, ლამაზ პარკებში. ბაღში სეირნობის დროს შევნიშნეთ რამდენიმე პატარა, ოთხი-ხუთი წლის ბავშვი. მათთვის მშობლებს ტყავის თასმები გამოებათ და ისე ასეირნებდნენ. ალბათ, ეს თასმა იმ მიზნით გამოაბეს, რომ ბავშვს ხელი არ დაღლოდა, ან არ დაკარგულიყო, მაგრამ ჩვენ მაინც გაგვაკვირვა ამ სურათმა.

მოგვეწონა ფინელ ბავშვთა ზრდილობა. ისინი ძალიან თავაზიანები არიან. დიდ ყურადღებას აქცევენ სისუფთავეს. ქუჩაში ქალაქის ნაკუწსაც კი არ დაგდებენ. ფინელ გოგონებსა და ბიჭებს ძალიან უყვართ ცხოველები, ფრინველები, თვინიერად ექცევიან მას. ალბათ, ამიტომაც იყო რომ, ქალაქის განაპირას, კუნძულ სეურასაარის ტყეში სეირნობისას, ხის კენწეროებიდან გვეგებებოდნენ ციყვები. ისინი ფინელ ბავშვებს თითქმის მოთვინიერებული ჰყავთ. ჩვენც კანფეტებითა და თხილით ვუმასპინძლდებოდით ამ პატარა, მარდ ცხოველებს.

დადგა ჰელსინკიდან ჩვენი წასვლის დღეც. ნავსადგურთან ბავშვთა გუნდი შემოგვეხვია. ხსოვნაში ჩამჩა მოხუცი ქალის შემკრთალი სახე. გემის კიბეზე ასვლის წინ იგი სასწრაფოდ მომიახლოვდა და ღია ბარათი გადმომცა. ზედ ჰელსინკის დამახასიათებელი ხედი იყო დახატული. ბარათის მეორე მხარეს კი ქალს, ნაჩქარევი ხელით, ფანქრით რუსულად წაეწერა:

„გულითადი სალაში ძვირფას მეგობრებს. ჩვენ გვინდა მშვიდობა და ვიცავთ მშვიდობის საქმეს. ფინელი ქალი“. ეს ბარათი დღესაც შენახული მაქვს. დიახ, ფინელ ქალს მშვიდობა უნდა! უნდა მშვიდობა თავისი შვილების, შვილიშვილების, მთელი მსოფლიოს ბავშვთა საბედნიეროდ.

გემი „გრუზია“ დაიძრა ჰელსინკის ნავსადგურიდან. წამოვიდა. შხაპუნა წვიმა. ჰელსინკელებმა მაინც არ დატოვეს ნავსადგური. დიდხანს გვიქნევდნენ ხელს და მეგობრობის სიტყვებს მოგვძახოდნენ.

ქსენია სიხარულიძე.

ფილოლოგიურ მეცნიერებათა დოქტორი.



ბავშვთა სახლი ჰელსინკში

გოსტმეზაჲსა დექსიკონი

მტკიცე, მეგობრული ხელის ჩამორთმევა მისალმების ყველაზე მეტად გავრცელებული ფორმაა. მაგრამ ბევრ ხალხს ძველთაგან წარმოშობილი და დროთა განმავლობაში ჩამოყალიბებული მრავალი სხვადასხვა მისალმება აქვს. ძნელია იმის თქმა, როდის თქვა ადამიანმა: აი, თქვენ ჩემი ხელი, ან მისალმების ნიშნად როდის გადაესკვნა ერთმანეთს ორი მარჯვენა. შეიძლება ეს გამოქცევა ადამიანმა ჰქონა პირველად, ან შემდეგში, უფრო გვიან, ეგვიპტის პირამიდების ჩრდილში მოხდა ეს. მაგრამ, ასეა თუ ისე, მისალმების ეს ფორმა უკვე გავრცელებული ყოფილა ძველ ტროადში, რაზედაც ჰომეროსიც მიუთითებს.

დროთა განმავლობაში მისალმების ეს ფორმა თითქმის დავიწყებას მიეცა და მისი ადგილი მდიდრულმა რიტუალებმა დაიკავეს, რომელთაც, რასაკვირველია, განსაკუთრებული გასაქანი მონათმფლობელურ საზოგადოებაში მიეცა.

შეიცვალა დრო. თანდათან წარსულს ჩაბარდა შეურაცხყოფელი მუხლის მოდრეკა, და ხელის ჩამორთმევა საზოგადოების სულ უფრო მეტი ნაწილის ჩვევა გახდა. მაგრამ ჯერ კიდევ იმ დროს, როდესაც ევროპაში მეფის კარის ცერემონიებისტერები მისალმებათა სულ უფრო და უფრო რთულ წესებს იგონებდნენ, ხელის ჩამორთმევა გავრცელებული იყო ისეთ ადგილებში, სადაც ევროპელს ჯერ ფეხი არ შეეღვა, მაგალითად, ცენტრალურ აფრიკაში.

ევროპელმა მკვლევარებმა, ჯერ კიდევ მაშინ, როცა აფრიკის ცენტრალურ ნაწილებში მოგზაურობდნენ, ხელის ჩამორთმევა, როგორც მისალმების ფორმა, იქნურ ველურ ტომებში აღმოაჩინეს. ამასთან ველურებს იგი მოწიწებისა და ზრდილობის შეურყვნელ ზომამდე ჰქონდათ აყვანილი. გამბიის მცხოვრებთათვის, მაგალითად, უფრო შეურაცხყოფელი და საწყენი არაფერი იყო, ვიდრე გამოწვდილი მარჯვენისათვის მარცხენა ხელის შეგებება.

ზოგიერთ ხალხს ხელის ჩამორთმევა მეგობრული გრძნობის გამოხატვის საკმაოდ ძუნწ ფორმად მიაჩნია, და ხელის ჩამორთმევის შემდეგ ერთმანეთს ხელის გულზე შუა თითს ურტყამენ. კონგოს აუზში კი შემხვედურები ორივე ხელს ართმევენ ერთმანეთს და დახრილები ზედ უბერავენ.


ბუბუების ან ხოჭოების მსგავსად, მისალმებათა კოლექციონირება რომ შეიძლებოდა, მაშინ კაპიტანი კუკი, რომელიც პირველი ევროპელთაგანი იყო ოკეანის კუნძულებზე, იქიდან მისალმებათა მთელ მუზეუმს ჩამოიტანდა, რადგან ყოველ პატარა კუნძულზე სულ სხვადასხვა სახის მისალმებები ჰქონდათ. ზოგიერთ კუნძულზე ხელის ჩამორთმევა მცირედენ ძალისმიერ შეჯიბრში გადადიოდა, რომლის დროსაც შემხვედურები თითებგადანასკვლენი, ერთმანეთს თავისაკენ ექაჩებოდნენ.

მეორე კუნძულზე კი ასეთი მისალმება იყო გავრცელებული: გაჭიმული დადგებოდნენ, ხელებს მუჭად შეკრავდნენ, ჯერ წინ გაიშვერდნენ, შემდეგ მალლა ამართავდნენ, ბოლოს კი მუჭებს გაშლიდნენ და ხელებს თავისუფლად ჩამოუშვებდნენ ძირს. ამით, შემხვედურები ერთმანეთს უმტკიცებდნენ, რომ ხელში იარაღი არა ჰქონდათ.

კაპიტანი კუკი ყველაზე მეტად ახალ ზელანდიელების ჩვევამ გააოცა: ისინი შეხვედრისას ერთმანეთს ცხვირებს მიადებდნენ და ზედ უხახუნებდნენ. ახალ ზელანდიაში კუკი მეორე მისალმებამაც გააკვირვა: ზოგიერთნი შეხვედრისას თავს დაბლა კი არ ხრიდნენ, არამედ რაც შეიძლება მალლა სწევდნენ მას.

თავის დახრა მისალმების დიდად გავრცელებული ფორმა იყო. ახლა ევროპაში, როგორც წესი, ოდნავი თავის დახრით მხოლოდ შორეული ნაცნობები ესალმებიან ერთმანეთს. აღმოსავლეთში, განსაკუთრებით კი ჩინეთში, თავის ოდნავი დახრა მისალმების საყოველთაოდ აღიარებული ფორმაა. ინდოეთში თავის დახ-





რასთან ერთად ჯერ შუბლთან, შემდეგ კი მკერდთან მიიტანენ ხოლმე ხელებს. არაბები თავის დახრისას მარჯვენა ხელს შუბლზე იდებენ, მარცხენას კი — გულზე. თითქოს ამით ერთმანეთს თავიანთ აზრსა და გრძნობას უზიარებენო. აფრიკის ერთ-ერთი ტომის წევრები მისალმების დროს მუჭებს გულთან მიიტანენ, შემდეგ ოდნავ თავს ხრიან და რამდენჯერმე ტაშს შემოკრავენ ხოლმე. თქვენც, ალბათ, დიდი ხნის უნახავ მეგობარს რომ შეხვდებით, სიხარულის ნიშნად მას მხარზე ხელს დაჰკრავთ. ხელის შემოკვრა ბევრი ხალხების მისალმებათა შემადგენელი ნაწილია. ასე მაგალითად, აინი კაცები წვერზე ირტყამენ ხელს, ქალები კი ზედა ტუჩზე. ტანგანიკის ზოგიერთი მკვიდრნი ერთმანეთს მუცელზე ურტყამენ ხელს, შემდეგ ტაშს შემოკრავენ, ბოლოს კი ხელს ართმევენ ერთმანეთს.




ბევრ შემთხვევაში ასეთ მისალმებებს რამდენიმე სიტყვაც ახლავს თან და, როგორც წესი, ეს სიტყვები ძალზე ბევრის მთქმელია ხოლმე.

ჩეხოსლოვაკიაში საერთოდ აღიარებული მისალმების ფორმაა «ჩესტ პრაცე!» — «დიდება შრომას».



ძველი ბერძნები შეხვედრისას ერთმანეთს შესძახებდნენ ხოლმე — «გიხაროდეს». ძველი სირიელები კი ერთმანეთს სიტყვა «შალომ» — ით ესალმებოდნენ, რაც მშვიდობას ნიშნავს.





ს ა მ რ ც ა რ ი ბ ო ბ რ ა

ჩინეთში, თბილი კლიმატის რაიონებში, ზღვის დონიდან 100 მეტრზე, ხარობს მრავალწლიანი გოგრა „იუჩუაო“. ყოველ გოგრაში 6 გიგანტი თესლია, სიდიდით იხვის კვერცხს უტოლდება და თითოეული 62 გრამს იწონის.

მზის საწინააღმდეგო სათვალე 1000 ფლისაა

სათვალე, რომელიც იცავს თვალს მზის სხივებისაგან, სულ ცოტა, 1000 წელია რაც არსებობს. თავდაპირველად მას ისეთ ადგილებში იყენებდნენ, სადაც ბევრი თოვლი იცის. მაშინ სათვალეებს შუშისაგან არ ამზადებდნენ. ამისათვის ხმარებაში იყო ქარვის თხელი ფირფიტა, ან კიდევ, თევზის გაჭიმული ბუშტი. ასეთი სათვალეებით ახლაც სარგებლობენ ესკიმოსები.



ქალაქი ჯუნგლებში


კამბოჯაში მიუვალ ჯუნგლებში, მდებარეობს ძველი, დიდებული ქალაქის ნანგრევები.

ამ შესანიშნავი ქალაქის შესახებ ცოტა რამ არის ცნობილი. მას ანკორი რქმევი და მე-9-14 საუკუნეებში კხმერის ძლიერი სახელმწიფოს დედაქალაქი უოფილა. საქმოდ ვაძლიერებულ კხმერებს ამ პერიოდში ყველა მევზობელი სახელმწიფო დაუმორჩილებია და აურაცხელი სიძლიერე უგადათ ხელში. თავიანთი ლამაზი დედაქალაქი კა მონების შრომით კიდევ უფრო მეტად გაუღამაზებიათ. მაგრამ მეოთხეხუთე საუკუნის ბოლოს, ეს უზარმაზარი ქალაქი, თითქმის მილიონიანი მოსახლეობით, უცხრად დაცარიელებულა, ჯუნგლებს მსხვერპლი გამხდარა და კხმერის სახელმწიფოსაც არსებობა შეუწყვეტია.

დღესდღეობით მეცნიერებს არ გააჩნია ზუსტი ცნობები იმის შესახებ, თუ რა მოხდა ანკორში. ზოგიერთი მეცნიერი ამბობს, რომ კხმერის წინააღმდეგ კავშირი შეკრეს ყველა დაპურობილმა სახელმწიფოებმა და საერთო ძალით ანკორს ბოლო მოუდესო. მაგრამ ქალაქის ნანგრევებში თითქმის არაფერი ლაპარაკობს იმაზე, რომ აქ ოდესმე ომი ყოფილა. ზოგიერთი

რადგან რვაფეხები ადვილად არიდებენ თავს მეთევზის ბადეს, მათ დასაპერად გონებასხვილ მეთევზებს მრავალი საინტერესო სერხი აქვთ გამოყენებული. ჰავის კუნძულების მცხოვრებლები, მაგალითად, შემდეგ ზერხს იყენებენ: რვაფეხაზე ღამე ნადირობენ, როდესაც ისინი რიფებზე არიან ამოსულნი; მაგრამ რვაფეხა ძალზე ფრთხილია და, როგორც კი ყურს მოჰკრავს რაიმე ხმაურს, იმ წამსვე ნაპრაღში ან ორმოში იმალება, იქიდან კი მისი გამოდენა თითქმის შეუძლებელია. მაშ რას აკეთებენ ჰაველები? ისინი პატარა, კატის ფორმის მოლუსეს, სახელად გოლოტურას, აბამენ თოკს და იმ ნაპრაღში უშვებენ, სადაც რვაფეხა შეფარებული. შეშინებული რვაფეხა იმ წამსვე ტოვებს სამყოფელს და თავის საშველად გარეთ გამოდის. აქ კი წინდაწინ დადარაჯებული მეთევზეები ადვილად უშკლავდებიან მას.

რით არის გამოწვეული რვაფეხას ასეთი დიდი სიძულვილი თუ შიში გოლოტურასადმი, ჯერ-ჯერობით ცნობილი არ არის.



ომი ყვავილებთან

აი, უკვე წელიწადზე მეტია, რაც ბელგიის კონგოში მიმდინარეობს გააფთრებული ომი... ყვავილების წინააღმდეგ. სამხედრო ოპერაციებში მონაწილეობს სუთასი გემი. დახარჯულია ორი მილიონი დოლარი, მაგრამ ჯერჯერობით გამარჯვება ყვავილებს რჩებათ.

წყლის გაიკონტი-ეისორნია, სამართლიანად ითვლება ბელგიის კონგოს ერთ-ერთ საოცარ მცენარედ. ერთ დროს გაიკონტებს სპეციალურად აშენებდნენ ბაღებსა და ეზოებში, მაგრამ ახლა ეს ლურჯო, ნაზი ყვავილი მოსახლეობის საშიშ მტრად გადაიქცა.

ეს 1956 წელს დაიწყო. ეისორნიის მცურავი კუნძულებით ჯერ მდინარე კონგოს შენაკადები გაივსო, შემდეგ კი ამ ყვავილმა თვით კონგოს შეუტია და რამდენიმე თვეში მთლად ჩაეკტა ეს უზარმაზარი მდინარე. ყვავილის ძირები და ფოთლები ეხვევიან გემებს და ამით ნაოსნობას შეუძლებელს ხდიან.

მეცნიერებმა ჯერ ვერ დაადგინეს ყვავილის ასეთი უცარი, კატასტროფიული გამრავლების მიზეზი, მათ მხოლოდ რჩევა მისცეს მთავრობას ყვავილებისათვის ქიმიური ომი გამოეცხადებიათ. ახლა ბელგიის კონგოს სამხედრო ფლოტილია თავგამოდებული იბრძვის ყვავილების წინააღმდეგ.

არწივი ფეხბურთის მოედანზე

ბოლივიის დედაქალაქ ლაპალაში ამას წინათ საოცარი ამბავი მოხდა:


ეს ქალაქი ზღვის დონიდან ძალზე მაღლა მდებარეობს, ამიტომ კონდოლები, არწივები და სხვა მტაცებლები შინი ხშირი სტუმრები არიან. ამიტომ არავის გაჰკვირვებია, როდესაც ერთხელ, ფეხბურთის მატჩის დროს, სტადიონის თავზე არწივი გამოჩნდა. მაგრამ ყველასდამოულოდნელად მტაცებელმა უცებ კამარა შეჰკრა, ქვასავით დაეშვა მინდორზე და კლანჭებით ბურთს დაფარინდა. ჩაპკორტანა, მოჯიჯგანა უცნაური მრგვალი საგანი, მაგრამ რომ ევრაფერს გახდა, ბურთი კლანჭებში ჩაბლუჯა და სწრაფად აიჭრა ჰაერში. ამ დროს სტადიონის თავზე სხვა არწივებმაც გამოჩნდნენ, შეშინებულმა მსაჯმა თამაში შეწყვიტა, მოთამაშეებმა კი მოედანი დატოვეს. ფეხბურთის ოქმი შეუფხვებელი დარჩა, ქვეშ კი მიაწერეს: „არწივების შემოტევის გამო თამაში არ დამთავრებულა“.

ქალაქი ნაილონისაბა

ინგლისში, ნაილონის პატარა ქაფებისაგან ქალაქი ამზადებენ. ალსანიშნავია, რომ ასეთი ქალაქი მეტად მკვირვია, კარგად უძლებს სინესტეს, მაღალ ტემპერატურას და სხვადასხვა ქიმიურ შენაერთებს. ასეთი ქალაქი დღესდღეობით და ძნელად იხევა.

ჯიბის ახალი ნათურა

ნათურის კორპუსში მოთავსებულია ორი თანმიმდევრულად ერთმანეთთან დაკავშირებული 1,2 ვოლტიანი აკუმულატორი. ახალი ნათურის ელექტრო-მოწყობილობა შესაძლებლობას იძლევა დაიმუხტოს ცვალებადი დენის 127 და 220 ვოლტის მქონე ელექტრო-ქსელის საშუალებით. ნათურა რომ დაიმუხტოს, ამისათვის საჭიროა მოეხსნას მას უკანა მხარეზე მოთავსებული პარა სახურავი და იქიდან ჩაირთოს ელექტრო-ქსელის შტეპსელში. დამუხტვა, საჭიროების მიხედვით, შეიძლება შეწყდეს და კვლავ განახლდეს.



რვაფეხა და გოლოტურა

ესპანეთის, იტალიის, ალჟირის, ჩინეთისა და ინდონეზიის მცხოვრებთათვის რვაფეხა ჩვეულებრივი და მეტად სანუკვარი საკვებია. ათასგვარ სუნელით და სწებლვით შემწავებული რვაფეხა მეტად სასიამოვნო ულუფაა. მსოფლიოში ყოველწლიურად დაახლოებით მილიონ ტონა რვაფეხას იჭერენ.



ღესინგის იგავები

ნახ. გ. ჩირინაშვილისა

ყორანნი

ყორანმა შეამჩნია, რომ არწივი კვერცხებზე სრულ ოცდაათ დღეს ზის.

— აი თურმე რატომ არიან არწივის ბარტყები შორსმხედველნი და ძლიერნი,—დაასკვნა მან.—კეთილი! მეც ასე მოვიქცევი.

და მართლაც, მას აქეთ ყორანი კვერცხებზე სრულ ოცდაათ დღეს ზის, მაგრამ უბადრუკი ბახალეების გარდა ჯერ არაფერი გამოუჩეკია.

ეკლის ბუჩქი

— მკთი მითხარი, შეეკითხა ტირიფი ეკლის ბუჩქს,—რატომ ეტანები გამგლეული ადამიანის ტანსაცმელს? რად გინდა, რაში გარგია ის?

— არაფერში!—უბასუხა ეკლის ბუჩქმა,—მე განა წართმევა მსურს, მინდა დავუხიო მხოლოდ.

ღომი ვირთა

მსოკვს* ლომს მხეცებზე ნადირობაში ვირი საზარელი ყროყინით ეხმარებოდა. ერთხელ, როცა ლომი და ვირი ტყეში მიდიოდნენ, ერთმა მეტიჩარა ყვავმა ჩამოსძახა ლომს.

— რა საუცხოო მეგობარი გყავს! ნუთუ არ გეთაკილება, გვერდით რომ ვირი მოგდევს?

— ვინც მე მჭირდება, ჩემს გვერდით მის ყოფნასაც ავიტან,—მიუგო ლომმა.

ასე მსჯელობს ყველა დიდკაცი, თუ თავი გაუყადრა პატარა კაცს.

მაშალო

მაშალოს ფულუროში ფუტკრის გუნდი დასახლდა. ფუტკრებმა ფულურო ძვირფასი თაფლით აავსეს. ამით ხე იმდენად გაამაყდა, რომ სხვა ხეები არაფრად მიაჩნდა.

— აი, უბადრუკი ამპარტავნობა, ნასესხები სიტკბოებით!—შესძახა ვარდის ბუჩქმა.—ვითომ შენი ნაყოფი ახლა ნაკლებად მყავს? მას მიეცი თაფლის სიტკბოება, თუ უნარი შეგწევს, მაშინ დაგლოცავს ადამიანი.

გერმანულიდან თარგმანა ა. კარანაძემ

* ესოპე—დიდი ბერძენი იგავთმწერალი

სარკე და მაიმუნნი

(კრილოვიდან)

აკაკი

მაიმუნმა თავის თავი სარკეში რომ დაინახა დაპრანჭული, დაჯღანული, დათვის წასტორა, მიაძახა:

„მოდი, ერთი ჩაიხედე! რა გიჩვენო, დათუჩაო? ვინ არის და სად მოსულა ეს მახინჯი და ტუჩაო?

მე რომ ვიყო მაგისტანა, დავმალავდი სწორედ თავსო, თუმცა ჩვენში კი ბევრია, რომ სრულებით მაგას ჰგავსო

დათვმა უთხრა: „ჩემო დაო! რად ათითებ ტყვილა სხვებსო? შენს თავზე რომ დაიხედო, მე ვგონებ, ის აჯობებსო“.

პასუხაპი „პიონერის“ № 11-ში მოთავსებულ გასაკითხავ

პასუხი პრიპტობრაპაპე გაუმარჯოს დიდი ოქტომბრის სოციალისტური რევოლუციის 40 წლისთავს!

პასუხი გამოცანაპი „ბამჭრინი შებირღები“

ქათმის მყიდველმა ყოველ შვიდ ქათამში თითო მანეთი გადაიხადა, ხოლო ერთში—სამი მანეთი. ინდაურის მყიდველმაც ყოველ შვიდ ინდაურში თითო მანეთი გადაიხადა, ხოლო ორი მათგანი სამ-სამ მანეთად შეიძინა. გოკის მყიდველმა 7 გოკში ერთი მანეთი გადაიხადა, ხოლო სამი სამ-სამ მანეთად იყიდა.

რედაქციაში შემოსული მასალები ავტორებს არ უბრუნდებათ

ფაბი 2 მან.

„ПИОНЕРИ“ детский журнал Центрального Комитета ЛКСМ Грузии. № 12 1957 Тбилиси. Плеханова, 91. მისამართი: თბილისი, პლენანოვის პრ. 91. ტელ. 3—81—85


უფ. 04435, ტირ. 14.000, ხელმოწ. დასაბ. 17/XII-57 წ. სტამბის შეკვ. № 161, გამომც. შეკვ. № 755 საქ. კა. ც. კ-ის გამომცემლობის პ/კომბინატი „კომუნისტი“.





საქართველოს
საქართველოს
საქართველოს
საქართველოს

უმთბარი




უსიტყვეო ხუმრობა უნგრულ გაზეთ „პაიტაშიდან“.



ნახატი ხუმრობა.

თემა ნ. კლასონიასი. ნახატი რ. ცუცქერიძისა.



ნახატი ხუმრობა.

თემა ნ. კლასონიასი. ნახატი რ. ცუცქერიძისა.